



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1044 4° copy 3





Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1044 4° copy 3



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1044 4° copy 3



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1044 4° copy 3

35-180

40



DA Box


LN 1044

ex. 3



King Hænge abs.

L.N. 1044. Paulli 191.



ORATIO
DE VITA ET MORTE
SERENISSIMI PRINCIPIS
AC DOMINI, D. FRIDERICI II. INCLYTÆ
memoria Regis Dania, Norvegia, Vandalorum & Gotho-
rum: Ducis Slesuicensis, Holsatia, Stormaria, Dithmarsia,
atq; Comitis Altenburgensis & Delmenhorst: habita
in funere ipsius, Roschildia in sum-
mo templo, Nonis Iunij,

Anna

M. D. LXXXVIII.

ab

ANDREA LAVRENTIO
in Acad: Hafniensi Profes-
sore.



Prouerb. XXVII.

Propter delicta terræ sæpè mutantur
principes.

HAFNIÆ,
IMPRESSIT LAVRENTIVS
BENEDICTVS.

M. D. LXXXVIII.

Psalm. 102.


*Colliguntur populi in vnum & Reges,
vt seruiant Domino.*

Esaia. 49.

*Et erunt Reges nutritij tui & Regina
nutrices tuae.*

Sapient. 1.


*Diligite iusticiam, qui iudicatis terram,
QVERITE Deum.*



Kay Hoegs Sanding

1970.

SERENISSIMO PRINCIPI, AC
DOMINO, DN. CHRISTIANO IV. DANIAE,
NORVEGIÆQUE REGI DESIGNATO, DVCI HOL-
STIÆ &C. DOMINO SVO CLEMENTISSIMO,
SALUTEM ET FELICITA-
TEM.

OGITANTI MIHI ILLVSTRIS-
sime Princeps, Domine clementissime,
num Orationem, quam in funere Sere-
nissimi Principis, & inclytæ memoriæ
Regis & Domini D. FRIDERICI II. patris T. C.
laudatissimi, habui, prelo subijcerem, nec ne, multa,
vt fit, occurrebant quæ animi dubium me redde-
rent. Nam ab eius editione, deterrebar cū ora-
tionis tenuitate, qua tanti Regis laudes deteri &
obscurari potius, quàm aperiri & illustrari, videri
possent; tum etiam erudita doctrina & eloquentia
eorum, qui me, certis de causis cunctanter agens
tem, in laudando Rege FRIDERICO præuerter-
runt. Contra verò, vt eam publici iuris facerem,
moueabant me ingentia illa beneficia, quibus nos
omnes, ab optimo Rege munificentissimè affecti
sumus. Huc accessit magnorum virorum autho-
ritas, qui suaserunt, vt multorum de me conceptæ
expectationi responderem, testatumq; facerem,
FRIDERICI Regis memoriam, debita obseruan-
tia & gratitudine à me conseruari. Quibus ratio-
nibus inter se comparatis, videbam mihi potius de
opinionem ingenij & doctrinæ, quæ quàm in me me-
diocria sunt intelligo optimè, periclitandum, quàm
neglecti officij & ingratitude notam subeundam.

A 2

Permitte

Permitto itaq; hanc qualemuncq; lucrubationis
culam, in hominum manus venire, qui si candorem
in iudicando adhibuerint, erit de quo mihi gratuler:
sin verò secus euenerit, id quoq; æquo animo ferens
dum. Scio enim neminem in scribendo ita circum-
spectè egisse, vt omnium censuræ satisfecerit.

T. verò Cels. hanc orationem nuncupandam
existimabam, vt aliquod meæ erga T. C. obseruan-
tiæ testimonium extaret: quam grati animi & sub-
iecti studiij significationem, vt sibi placere velit, qua
par est submissione, peto.

DEVM oro, vt qui Illustrem T. C. heroicis
animi & corporis dotibus ornauit, is quoq; eandem
diu florentem & incolumem conseruet, faciatq; vt
ætate atq; iudicio maturescente, ad auitorum regno-
rum gubernaculum admotus, exemplum generos-
sissimi patris, cuius imaginem quandam hoc libello
adumbrare volebam, secutus, Remp. pië, iustè, pru-
denter & moderatè administres. Quod votum,
vt DEVS propter Filium exaudiat, ipsum precor
ex animo, eiusq; prouidentiae & bonitati Illustrem
T. C. commendo. Hafniæ Anno 1588.

Illustriss: T. C.

obseruantissimus

Andreas Laurentius

P. H.

ORATIO

ORATIO DE D. FRIDE-
RICO II. R. D. &c.



SI POST HOMINUM MEMO-
riam Genti Danicæ publici luctus
& mœroris iusta vnquam causa fu-
it; est ea vel in primis hodierno die
iustissima. Orbati enim sumus alie-
nissimo Ecclesiæ & Reipub. tempore
laudatissimæ memoriæ Principe atq; Rege, D. FRI-
DERICO II. sub cuius moderato & iusto Imperio
beatè viximus, & Ecclesiæ Christi leta quedam
halcyonia, iam annis multis, in his Arctois Regnis
erant. Qua felicitate quàm diu nobis frui liceat,
incertum. Nam quanta periculorum procella no-
bis imminet, ex magnis illis successibus perduellium
Christi, & vicinorum regnorum miserijs, quæ lon-
gè maximæ sunt, facile ab attentis poterit animad-
uerti. Quæ pericula omnia D. FRIDERICVS,
si Deo ita visum fuisset, à nostris capitibus, quæ ip-
sius erat virtus heroica & amor Reipub. facile auer-
tere potuisset. Meritò itaq; dolemus, lugemus, la-
mentamur, tanto Rege, qui verè fuit nutritor Ec-
clesiæ, pater patriæ, asylum & arx oppressorum,
columen horum regnorum & ditionum amplissima-
rum, orbati atq; destituti.

A3

Hæc

Syrach. 22.
1. Theß: 4.

Hæc etsi hunc in modum se habent; nequaquam tamen dolori indulgendum, & luctu hoc acerbo contabescendum. Ut enim Deus vult, funera cum aliorum, tum etiam pij & salutaris Magistratus, qui in terris Dei vicem gessit, defleri: ita moderationem quandam affectuum & doloris à nobis requirit: ne ipsius voluntati, quæ non potest non optima esse, stultè reluctari, & quasi fronte aduersa repugnare velle videamur. Quin potius agnoscentes Dei iudicium, veram erga Regem optimum beneuolentiam & gratitudinem declaremus. Quod fiet, si ipsius heroicæ virtutes & beneficia illa ingentia, quæ Deus nobis per illum præstauit, veris laudibus extulerimus, Deoq; Optimo Max: maestissimæ Regiæ familiæ, horum Regnorum & omnium nostrum salutem serio commendauerimus. Id enim, memoriæ & meritis laudatissimi Regis debemus omnes.

Quod cum ego & priuatim meo & publicè omnium nomine facere sim iussus: breui commemoratione capita quædam Historiæ vitæ & obitus ipsius, ut potero, complectar, in qua primùm de ijs, quæ mortem felicissimæ recordationis D. CHRISTIANI III. Regum omnium sui seculi laudatissimi, præcesserunt, dicam: deinde, quæ ille post obitum patris sui præstantissimi, domi & foris, priuatim & publicè laudabiliter gessit, vsq; ad illum diem,

em, quo in his terris esse desit, summa rerum secu-
tus fastigia, perstringam & delibabo. Nam in-
tegram historiam pertexere non est huius loci, neq;
instituti mei, ac ne quidem virium mearum, quæ
quàm ad hoc postremum pietatis officium tanto Regi
præstandum imbecilles sint, minimè ignoro. Deum
itaq; precor, ut ille huic Orationi meæ sic moderetur,
ut quæ ipsi grata esse queant, faciantq; ad veris lau-
dibus optimum Regem exornandum, à me proferan-
tur: à vobis verò Illustrissimi Principes, illustres
& generosi legati, Amplissimi Regni & Ducatum
Senatores, tota corona nobilissimorum, doctissimo-
rumq; Virorum, & quotquot hodierno die ad Regi
FRIDERICO iusta facienda convenistis: qua pos-
sum ac debeo, submissione animi peto: ut me loci hu-
ius insolentia & cogitatione de virium mearum im-
becillitate, pauitantem, ut cernitis, vestræ benevo-
lentiæ atq; æquitatis aura recreare dignemini. Eni-
tar quantum potero, ut præcipuarum laudum menti-
one saltem facta, nullam falsam ipsi affinxisse vi-
dear.

Natus est D. FRIDERICVS in Arce oppidi Ortus D.
FRIDERICI.
Cimbricæ Chersonesi Haterstleuij, Anno Christi
1534. Kalendis Iulij. Quo tempore perturbatis-
simus fuit Danicæ Reipub. status. Pater ipsi fuit
Illustrissimus Princeps D. CRISTIANVS Holsa. Parentes.
tie

tiae Dux, qui Rex factus, deinceps CHRISTIA-
NVS III. est appellatus. Matrem habuit D.
DOROTHEAM, Illustrissimi Principis Magni
Saxoniae inferioris, Angriae & Vestphaliae Ducis
filiam. Vtriusq; parentis CHRISTIANI & DO-
ROTHEAE prosapia nobilissima & generosissima.

Paternum
genus.

Altenburgensium enim Comitum Illustris fa-
milia originem suam, vt accepimus, ducit à Viti-
kindo illo Magno, Saxonum Rege, atq; Angriua-
riorum Duce potentissimo, qui ante annos octingen-
tos & amplius, cum Carolo Magno, Francorum Re-
ge, eiusq; nominis primo Imperatore Germano, bel-
lum diuturnum ac in primis difficile gessit. Ab hoc

Vitikingus
Baptizatus
Barouici An-
no Christi,
785.

Vitikingo, vt & aliarum illustrissimarum in orbe
Christiano familiarum: ita quoq; Comitum Alten-
burgensium, stirps, longa serie propagata est, vsq; ad
Christianum, Theodorici, qui Fortis fuit appellatus,
& Hedwigis filiae Gerardi Holsatiae Comitis, quae
antea Baltazaro Megapolitano Duci nupsit, fili-
um, qui primus in hanc gentem & familiam, Regi-
um, axioma intulit: à quo D. FRIDERICVS II.
sextus Rex descendit.

Affinitas VI.
Reg: cum
aliis Principi-
bus.

Splendorem huius familiae regiae auget etiam
affinitatis cum nobilissimis & praestantissimis orbis
Christiani principibus coniunctio. Christiano enim
I. Dorothea Iohannis Ducis Voilandiae principis
optimi

optimi filia, & Christophori III. Regis Danie Vi-
dua nupsit: Iohanni eorum filio Christina Ernesti se-
ptemviri Imperij R. & Ducis Saxonie filia vxor
fuit: Christianus II. cum Isabella, quam nos Eli-
zabetham vocamus, Philippi Hispaniarum R. fi-
lia Impp: Romanorum Caroli V. & Ferdinan-
di sorore matrimonium iniit: Friderici I. prior
vxor fuit Anna Iohannis Magni Electoris Bran-
deburgici filia: Posterior verò Sophia Bugislai
Pomeranie Ducis filia. Quæ familie etiam hoc
tempore in tota Europa sunt nobilissimæ.

Ducum etiam Saxonie inferioris illustris D. 'D. Lau-
& perantiqua familia est. Nam Septemviratus di- burg: nobi-
gnitas, qui in Imperio Romano, Regie penè est litas & gne-
par, vel paulò inferior, in ea plus minus 200. rofitas.
annis permansit. Tot enim anni ferè interiecti
fuère inter Bernhardum primum, & Albertum
tertium, qui postremus in illa familia Septemvira-
tum gessit.

Ab his tam Illustribus & inclytis maioribus
& parentibus satum D. FRIDERICVM II. ma-
gnum decus est: Sed longè maius censendum,
quod maiores suos Virtutibus, quod rarum est, æqua-
rit, vel etiam superarit, quod rarissimum: tantum
abfuit, vt ab ipsis, quod dedecus & labes familie
est, degenerarit.

B

Puer

Institutio in
literis,

Puer tingendus, imbuendusq; doctrina pietatis, literis & bonis moribus præceptori traditus fuit. Intellexit enim *CHRISTIANVS* Rex III. in illis, quæ dixi, cum ad vitæ priuatæ, tum etiam Regiæ cursum rectè tenendum, momenti plurimum inesse. Meminerat etiam, quidnam Christiano Primo, auro suo, Romæ, quò Religionis ergò, vt mos erat illorum temporum, abierat, cum absq; interprete cum Sixto Pontifice R. colloqui non posset, acciderit.

Anno Christi, 1474.
Socij Studiorum.

Studiorum socij, vt in Principum institutione mos obtinet, fuere *FRIDERICVS* patruus ipsius, *Holsatiæ Dux*, aliq; honesto & nobili loco nati. Quos postea, in omni vita, *FRIDERICVS* Rex in intimis habuit: honoribusq; & præmijs ipsorum virtutibus dignis, affecit. Ingenij mira celeritate, atq; memoriæ vi penè diuina, cuiusmodi heroicis naturis inesse solet, præditus fuit. Ideoq; cum adoleuisset, ingentem ex eo, quòd maiores progressus puer in literis discendis non fecisset, dolorem cepit; de quo ipsius querelæ, non sine animi quadam commotione à multis non rarò, sunt auditæ.

Designatur
Rex A. Christi, 1542.

Cum annum ætatis octauum ingressus esset, placuit sapientissimis Regni magnatibus, penes quos à priscis seculis, Regni D. Maiestas, & Diadema est, Regem ipsum designari; qui aliquando *CHRISTIANO* patri, in Reipub. gubernatione, succederet.

succederet. Quod quidem ut facerent, moti fuere,
Christiani patris in Rempub. meritis longè maxi-
mis: generosa indole atq. naturæ bonitate FRIDE-
RICI filij, & tristissimis illis motibus, quibus, post
mortem Friderici primi, nullo Rege designato, res
Danicæ, nisi DEVS, more suo, nobis affuisset,
pessum inuissent.

His alijsq. grauissimis causis moti Regni pro-
ceres amplissimi, FRIDERICVM Regem designant.
Qui fidelitatis debitæq. subiectionis sacramento, ab
incolis horum regnorum accepto, ad inchoata litera-
rum studia continuanda reuertit, ex quibus magni
fructus sunt percepti. Nam illa doctrinæ cælestis
initia, quæ puer didicit, postea magnis incrementis
aucta, tenaciter animo ipsius, vsq. ad vitæ metam
inhæserunt. Adeo multum est, optimis rebus à primis
annis assuescendi, & quasi innutriti: huc accessit mo-
rificationis erga parentes optimos, obseruantia,
quos ille, ut decebat, coluit: cupiditatum moderatio.
quæ quàm difficilis sit, in ijs præsertim, quibus po-
tentia & aulæ splendor oculos perstrinxerit, scimus:
præparatio deniq. ad rectam & felicem Reipub. gu-
bernationem quæ præcipuè sita est in veri Dei puro
cultu: erga parentes & eos qui parentum loco libe-
ris à Deo præficiuntur, reuerentia. Nemo enim rectè
vnq. imperarit, nisi qui aliquando parere didicerit.

Fructus ex
prima insti-
tutione perce-
pti.

Anno Chri-
sti 1534.
Primæ ado-
lescentiæ stu-
dia.

Opinio sa-
pientum ho-
minum de fu-
tura Guber-
natione F. R.

Cum verò ad annos pubertatis peruenisset,
Magistro & præceptore, cui in discendis literis
operam annis aliquot dedisset, honorificè dimisso:
Aulæ sedem in Scania, regione soli vbertate, atq;
amœnitate paucis comparanda, habuit; vbi ad belli
& pacis artes, ad studia certaminum equestrium,
aliaq; militaria exercitia, in quibus excelluit, assue-
faciendus esset. Quo quidem tempore pater ipsi ad-
iunxit viros aliquot nobilitate generis, Sapientia,
Fortitudine, iustitia & id genus virtutibus præ-
stantes, quorum in numero fuere D. Hilarius Har-
denberg. D. Hilarius Rönnow, Ericus Rosen-
krantz & alij: ut eorum consilijs in tractatione
publicarum negotiorum vteretur. In quibus Chri-
stiano Patri & Regni Proceribus fidem suam,
iusticiam, prudentiam, moderationem, aliasq; vir-
tutes, quibus hominum fauor, & beneuolentia gu-
bernatoribus conciliatur, ita probauit, ut omnes
magnam spem conceperint, fore illum aliquandò,
optimi & moderatissimi patris similitimum Regem.
Quod profectò ab ipsis haud temerè factum. Ut
enim ex floribus, cuiusmodi fructus arbores sint pro-
ducturæ, coniecturam facere licebit: ita plerumq; ex
florescentis ætatis moribus atq; vita quidnam de ma-
tureacente sperandum sit, non difficile fuerit animad-
vertere.

Pere,

Peregrinationibus, sapientiam, prudentiam
 & morum suauitatem, si rectè instituantur, acqui-
 ri, narrat optimus CHRISTIANVS III. suomet ip-
 sius experimento id edoctus. Ioachimum enim I.
 Electorem Brandenburgicum, anunculum suum se- Anno 1521.
 cutus, Vormaciam accessit: Vbi Carolus Quintus
 Imp. Anno ipsius inaugurationem proximè sequen-
 te prima Imperij comitia habuit. In quibus electum
 illud Organon D E I, D. Martinus Lutherus, ad D. Martinus
 tribunal Caesaris, coram toto Imperio omnium eo- Lutherus, si-
 rum, quæ annos octo, magno cum successu doctrinæ stitit se coram
 tota Imperio.
 Euangelij, & ruina Pontificij regni, scripserat &
 docuerat, rationem, reddidit: atq; præter multo-
 rum expectationem, in vera sententia constans per-
 mansit: nullius hominis, ac ne quidem Diaboli mi-
 nas aut potentiam formidans. Qua ipsius inuicti
 animi magnitudine mirificè confirmatur Christi-
 anus Princeps, quemadmodum postea declarauit.

Misit itaq; Rex CHRISTIANVS Principem
 filium ad Augustum, Imperij R. Septemuirum, &
 Saxonie Ducem generum suum: addito ipsi regio
 & splendido comitatu, qui cum Francofurtum pro- D. Fridericus
 fectus, tanq̃ in humanæ vitæ theatrum quoddam venit Fran-
 prodiens, vidit ritus & ceremonias quibus Ferdi- cofurtum.
 nandus Imperio R. inauguratus fuit: vidit orbis Anno 1558.
 Christiani præcipuos principes & gubernatores,

quorum pleriq; ipsi vel consanguinitate, vel affinitate iuncti fuere.

Ferdinandi
Imp. humanitas.

Ferdinandi Imperatoris ea fuit humanitas, ut FRIDERICVM Principem cognatum & propinquum suum amantissimè complexus, monuerit: Ut laudatissimi patris vestigijs insistens, amplissima Regna, sibi iam tum desponsa, quemadmodum Principem tam Illustribus maioribus & parentibus satum deceret, aliquandò moderaretur. Iusseritq; suis verbis salutari CHRISTIANVM patrem, cui multis Principibus, alijsq; splendidissimo & nobilissimo loco natis audientibus, hanc laudem tribuit. Neminem Principum omnium, qui ex hostibus & inimicis, socij & amici facti fuissent: Carolo V. fratri & sibi tam liberalitè & Regiè fidem datam seruasse, atq; Christianus Rex fecisset. Quod FRIDERICVS Princeps, Imperatori pro hac paterna monitione, atq; tam honorifico de patre testimonio, actis gratijs, se fretum DEI ope atq; auxilio facturum, recepit.

Carolo V.
Imp. Spiræ
fuit reconciliatus,
Christianus III. Anno Christi,
1544.

Francofurto discedens, redit in Saxoniam cum Augusto Electore Sororio suo, à quo Vitebergæ, ut & in alijs ditionum ipsius locis omnibus, humanissimè exceptus, in conuiuio, ad quod aliquot ex Professoribus Inclytæ illius Academiæ inuitati fuerant, & in ijs, D. Philippus Melanthon, vir excellentis in-

Cum D. Philippo Melan-

tis ingenij: pietate eximia atq; doctrina præditus, ^{thone, collo-}
& bonis omnibus, ob vitæ innocentiam & sin- ^{quitur.}
gularem pietatem charus: Quem honorificè ha-
buit D. FRIDERICVS & postea omni vita
multis beneficijs affecit. Nam ipsi, vt & alijs
illius Academiæ atq; aliarum professoribus, quorum
in numero est etiam Iohannes ille Sturmius, de reli- ^{Munificen-}
teraria præclarè meritis, quotannis honorarium mi- ^{tia in doctos,}
sit. Singulari enim beneuolentia doctos omnes cu-
iusvis gentis & nationis (de pijs loquor) est com-
plexus. Quod omnes illi, vt de alijs nihil dicam,
qui eruditæ doctrinæ & ingenij sui monumenta ali-
qua ipsi inscripsere, quos omnes munificè remunera-
tus est, testabuntur.

In Daniam tandem reuersus, CHRISTIANO ^{Redit in}
Patri tum temporis ægrotanti, quæ viderat & au- ^{Daniam F.}
dierat in conuentu illo Francofurtensi & aulis Prin-
cipum, Henrici Ducis Brunsvicensis: Philippi
Hassiae Lantgrauij, & aliorum ad quos in reditu
diuenterat, disertè & magna cum suauitate sermonis, ^{Eloquentia}
qua, vt alijs quoq; DEI eximijs donis excelluit, com- ^{F. R. II.}
memorat. Quibus, optimus pater, veluti reuiuif-
cens omnibus, ac in primis narratione illa de Ferdi-
nando Imperatore, mirificè delectabatur.

Digressus à patre, iam tum iter in Cimbricam
Chersonnesum, quod ipsi postremum erat, adora-
nam

Mors Christi-
stiani III.

nante, in Scaniam reuertit. Nam CHRISTI-
ANVS Rex, vi grauissimi & diuturni morbi su-
peratus, Kalendis Ianuarij ineuntis Anni 1559. in
ardenti inuocatione filij DEI, quem vnicum Re-
demptorem & Seruatorem suum constanter per om-
nem vitam agnorat, ad cœlestis Ecclesiæ cætum &
societatem fuit euocatus, relicto bonis omnibus sui
incredibili desiderio.

Fridericus
absuit, cum
pater more-
retur,

Auidè quidem cupierat laudatissimus Rex
Principem filium priusquam sibi ex huius vitæ sta-
tione decedendum foret, videre, atq; cum ipso de re-
bus ad ipsius & horum Regnorum salutem perti-
nentibus, colloqui: cuius tamen voti compos fieri
non potuit. Nam inualecente vi morbi, prius-
quam adueniret filius, expirarat Rex pater, Prin-
cipum huius ætatis nostræ omnium laudatissimus;
cuius memoria sit in æterna benedictione.

Vis oratio-
nis parentum
ad Liberos
sub vitæ exi-
tum.

Magnopere quidem optandum fuisset, san-
ctissimi patris Cygnæam vocem à filio generoso au-
ditam. Scimus enim, quàm altè in bonorum libero-
rum animos ea descendere soleant, quæ à præstanti-
bus virtute parentibus ad vitæ exitum vocatis,
fiunt vel dicuntur. Aduenit tamen FRIDERI-
CVS Princeps, mox à Charissimi patris obitu, se-
rius quam volebat, aduersis ventis detentus. Quem
ille cum vidua matre mœstissima, Illustrissimis &
Cha.

Charissimis fratribus, Magno & Iohanne, sorore
Dorothea totaq; Regia familia piè defleuit.

Ambrosius scribit Theodosium, cum corpore
solueretur, magis de statu Ecclesiarum quàm de
suis periculis anxium fuisse, Quod ipsum de CHRI-
STIANO III. verè dici potest: Nam moriturus
dere nulla magis sollicitus fuit, quàm ut puræ do-
ctrinæ Euangelij possessio, & pax in his Regnis
conseruaretur. Quam suam voluntatem per Illu-
strissimam Reginam, & Magnificum Cancellari-
um, Iohannem Frijs, virum nobilitate generis, sapi-
entia, virtute & longo rerum usu præstantem filio
indicare voluit, quos etiam oratione ardentissimo-
rum affectuum plena, ut in id, omnes industriæ ner-
uos contenderent, est obtestatus. Atq; huc usq; de
FRIDERICI Regis ortu, genere Regio, pueritiæ
& primæ adolescentiæ studijs, quæ omnia vitæ pri-
uatæ propemodum censerì possunt: Nunc verò alia
de quibus me dicturum promisi, quàm possum bre-
uissimè persequar.

Non ita multò post ortum fuit bellum Dith-
marsicum, quod etsi initio solus gerere in animo ha-
buerat Illustrissimus Princeps Adolphus, Holsatiæ
Dux; tamen aliter suadentibus viris, nobilitate
generis, prudentia & multis virtutibus præstanti-
bus D. Iohanne Rantzouio, Regis in istis locis Le-
gato,

In oratione
Funebris, de
obitu Theo-
dosij.

Pia sollici-
tudo Christi-
ani III.

Belli Dith-
marsici initi-
um.

Anno 1474.
quā donati-
onem confir-
mauit Caro-
lus V. Anno
1548.

gato, & filio ipsius Henrico Rantzouio, idem mu-
nus hoc tempore gerente, atq; literatorum omnium
Mæcenate, ita conuenit inter Principem FRID E-
RICVM & patruos ipsius Iohannem & Adolphum,
vt bello illo communibus periculis & sumtibus ge-
sto, si DEVS victoriam de populo illo dedisset,
Dithmarsia, quam Christiano I. Fridericus III.
Imperator donauit, inter ipsos ex æquo diuidere-
tur.

Dithmarsis
bellum indi-
citur,

Anno 1322.
& 1404.

Dithmarsis
dediit se Prin-
cipi & Ducib-
us,

Quo decreto facto, exercituq; ex Danis, Hol-
satis & Germanis, apparatusq; cætero comparato:
mox bellum, vt fit, Dithmarsis indicitur, qui cum
alienius ad literas illas, quas fœciales attulerant, re-
spondissent, è vestigio conspiciunt in agris suis Prin-
cipes cum lectissimo exercitu, obuia ferro & flam-
ma, vastante atq; prosternente omnia. Nec Dith-
marsis, quod sibi in tanto discrimine faciendum foret,
neglexere. Elati enim superioribus victorijs, quas
de Danis & Holsatis aliquoties adepti fuerant, li-
bertatem illam (si tamen libertas dicenda est) cui
annos 400. & amplius assueuerant, fortiter propu-
gnant & defendunt. Verum tandem aliquot ad-
uersis prælijs fracti, quibus magnum numerum su-
orum amiserant, nec in fossis & æstuarijs illis suis,
quibus multum fidebant, spei quidq; sibi reliquum
cernentes, Principi & Ducibus sese dedunt.

Admia

Admiracione dignum est: fortes & animo-
 sos illos Dithmarsos, qui toties aduersum exercitus
 longè maiores, nec minus instructos, se defenderant,
 hoste internecione deleta, vt in praelio illo quo Rege
 Iohanne, atq; fratre Friderico primo, vix fuga ela-
 psis, flos Danicæ & Holsaticæ nobilitatis, cum
 alijs multis fortissimis viris, facta & miseranda cæ-
 de occidit: tam leui momento victos. Quod Cæsar
 dixit: *Veni, Vidi, Vici*: Id de nostris quoq; quo-
 dammodo, vsurpari poterit. Nam vix, exeunte
 mense, Dithmarsia in formam prouinciæ redacta,
 bellum illud, quod multis ingentem terrorem incus-
 serat, finem habuit.

Dani &
 Holsati cæsi
 a Dithmaris
 Anno Chri-
 sti, 1500. 17.
 Februarij.

Ita nulla est quantumuis florens hominum po-
 tentia & virtus, quæ DEO irato possit resistere.
 Recte itaq; suadet sapiens ille Poëta: Bellum & Pindarus.
 pugnam, absq; DEO, mittenda.

In prælijs illis, quibus omnibus interfuit, &
 magnam partem præfuit Princeps FRIDERI-
 CVS, heroici & celsi animi certas significationes
 dedit. Nam cadentibus vel læthaliter vulneratis
 multis fortissimis Viris, qui proximè ipsum animo-
 sè dimicarunt, nemo ipsum, vel periculi magnitu-
 dine perturbatum, vel pro Regni & Reipub. com-
 modo labores atq; dimicationes defugere vidit vnq;. Heroici mo-
 Huiusmodi motus nec natura inesse possunt homini-
 bus

Animi celsi-
 tudo Frideri-
 ci Regis.

Heroici mo-
 tus non expe-
 ctant annos,

bus nec doctrina comparantur ; sed diuinitus existunt in præstantibus naturis. de quibus est illud Latini Poëta.

Ingenium cœleste suis velocius annis
Surgit & ingrata fert malè damna moræ.

Clementia
& Moderatio
in secundis rebus.

Clementiæ & moderationis in victoria, quæ natura insolens est, laudationem hîc præterire non debeo. Cum grauis esset disceptatio, num 400. Dithmarsî & plures, qui extrema necessitate coacti, abiectis armis, supplices petierant à victoribus, ut vitæ & corporibus suis parceretur, trucidandi essent, nec ne: ac plerisq; illa inhumanior sententia placeret nimis. Ibi Princeps heroicus iussit tertiam partem istorum supplicum sibi attribui: de his, inquires, quod æquum bonumq; videbitur, statuero. Hac oratione Regis moti alij, mox ipsorum vitæ parcendum censent, & quidem rectè. Iniusticiæ enim fuisset, ius supplicum violasse, de quo extat Oraculum à multis sapientibus commendatum:

Ius supplicum non uiolandum.

Non violandus erit supplex: sacer esse putator.

Belli ius de quo Deute: 20. Cap.

Etenim nec in bellis quidem cessat lex DEI, Ideoq; victori in victos tantum licet, quantum lex DEI, & ius naturæ concedunt. Memoria itaq; omnium seculorum, & sempiterna prædicatione digna est

gna est hæc FRIDERICI R. heroica fortitudo, &
in victoria moderatio.

Constitutis iam in Dithmarsia rebus, Haf-
niam redit Princeps victor, ubi post supplicationes
publicè indictas in Comitibus frequentibus, Amplis-
simorum procerum & reliquorum ordinum consensi-
one summa congratulationeq; Regnorum Daniae &
Noruegiæ, quorum Rex antea designatus fuerat,
plenam potestatem adipiscitur. Quod antea fieri no-
luit Rex magnanimus, quàm specimen aliquod vir-
tutis & felicitatis suæ in rebus gerendis edidisset.

Coronatio
Friderici An-
no 1559.
Augusti: 29.

Post horum Regnorum Diademate à Regni
magnatibus accepto, omnem curam & cogitatio-
nem eò vertit potissimum, ut pura Religio in hisce
Regnis sacra tecta conservaretur. Quod & lau-
datissimo patri promiserat, & ad idem faciendum
Regni ordinibus, in hoc inaugurationis actu, sese
religiosè obstrinxerat. Quod etiam constanter &
religiosè præstitit. Ut enim verè pius erat, ita
non potuit ea quæ ad cultum DEI conservandum
pertinerent negligere. Veræ autem non adumbra-
tæ pietatis hæc argumenta sunt: Sacra scripturæ
lectio, eiusdemq; privata & publica auscultatio &
seria meditatio, ardens DEI invocatio creber
Cænæ Dominicæ usus, vitæq; pie acta. De ijs quæ
vel ipse legerat (Nam Biblia legisse illum aliquo-

Cura pro
Religione cō-
servanda, su-
scepta,

Pietatis Re-
giæ argumē-
ta,

Episcopi Ar-
hufensis con-
cio.

ties scimus) vel in concionibus audierat, solitus
fuit cum suis colloqui. Audierat aliquando pium
& doctum virum publicè concionantem de ma-
gnitudine atq; fæditate peccatorum nostrorum,
cui opposuit immensam & infinitam DEI mise-
ricordiam, his verbis: Sunt quidem, inquit,
peccata nostra admodum tetra & abominanda,
quibus etsi nos æternas pænas commereamur:
tamen illa minimè imputantur credentibus in fi-
lium DEI Dominum nostrum IESVM CHRE-
STVM, nec veniunt in rationes: Nam Christi
sanguine sunt illa inducta omnia, & ex libro DEI
expuncta. Qua oratione se mirificè delectatum
sæpius dixit. Legit, sicuti dixi, cum alios Sa-
cræ scripturæ libros, tum in primis Davidis Psal-
mos, quos postea sibi & suis cum illorum pia &
succincta Enarratione curavit imprimi: addita
præfatione à se scripta, qua lectionem & medi-
tationem illorum dulcissimis liberis piè commen-
dat, eosq; ut pius Ecclesiastes, ad timorem DEI
& omnium Virtutum officia; religiosè hortatur.
Deutero: 6. Sciuit enim pius Rex, parentibus voce DEI ex-
pressa mandatum, ut illi verba legis ipsius filijs suis
acutè ingerant, loquanturq; de ijs cum sedent domi,
cum ambulant per viam aliquam, cum cubant, cum
surgunt. Atq; hæc de pietate Regis FRIDERICI
Dixit

Dixit quidam magni nominis Philosophus : Plato.
 Pacis in Repub. nomen esse inane, quod ita esse nos
 quoque sumus experti. Nam annis nondum quatuor Bellum Suetici
initium. An-
no 1563.
 à bello Dithmarsico, exactis, aliud multo funestius
 & calamitosius inter nos, & Suecos vicinos, nobis
 eadem Religione, propinquitate, affinitate, aliisque
 arctae necessitudinis vinculis coniunctos, exarsit.
 Cuius veræ causæ (Nam occasio ut plerumque in
 fatalibus malis fieri solet, leuior videri posset)
 fuere utriusque gentis peccata, quæ DEVS iratus,
 bellis, fame, peste, atque alijs malis punit & vlcicif-
 citur grauissimè. Etsi autem inuitus facio, ut cica-
 trices iam obductas refricem, vulneraque vel nostra
 vel aliorum detegam : tamen silendum non est, cer-
 tissima bonitatis DEI in nos toto belli tempore,
 quod magna tristium euentorum varietate, terra
 marique gestum fuit, testimonia extitisse.

Nam annis illis septem & amplius, quibus Beneficia in
nos a Deo
belli tempore
collata.
 durauit bellum, tantus frugum prouentus apud
 nos fuit, ut tot exercitibus alendis commeatus
 abundè suffecerit : & quod fidem propemodum
 excedere videri possit, laxior etiam annona fuerit,
 durante bello, quam annis aliquot dimisso exerci-
 tu, illud secutis : Seditio, in qua omnis mali species, Thucydides,
 quæque tantum à bello, quantum bellum à pace differt,
 à castris plerumque, à reliquo vero Reip. corpore semper Herodotus.
 per

per abfuerit, quod quantum bonum fit, experiuntur
Ciuitia bella. hoc tempore Regna illa, quæ ciuilibus bellis miserè
concutiuntur: Cultus DEI, qui tamen in bellis
extremè periclitatur, conseruatus. Bellum enim in-
finitam malorum Iliadem, & in ijs profanitatem &
Epicureisimum quendam mortalibus afferre solet, ex
quo illud hyperbolicè quidem dictum, sed tamen non
prorsus à vero alienum, Nulla fides pietasq; Viris
Eurip: Re- qui castra sequuntur, proma nauit. Regis deniq;
ligioni locus inter maxima pericula, vt in arcis Elsburgensis
non est vbi expugnatione, peste grassante in exercitu, & alijs,
armorū stre- diuina protectio & conseruatio, de qua est illud
pitus terret Dauidis: Si cadant à latere tuo mille, & decem
homines, millia ad dextram tuam, malum tamen ad te non
Psalm: 91. accedet.

Celsitudo Regij animi conspecta est sæpè, &
in primis, accepta illa ingente clade, qua classis om-
Amiffa Re- ni apparatu & fortissimis viris instructa, saxis il-
gia classis s. lisa Gothici maris, non quidem hostium virtute aut
Kalend: Sex- potentia, sed vnius infaustæ noctis seuissima tem-
til; A. 1566. pestate perijt. Quæ tristissima iactura non potuit
non optimo Regi ingentem dolorem afferre cui ta-
men ita moderatus est, vt præter omnium hominum
expectationem, recuperata noua classe, bellum, do-
nec DEVS honestam pacem nobis redderet, conti-
nuandum censuerit; quo probatum: In rebus ad-
uersis

nerfis virtutis decus maximè lucere, & aduersa vi-
ros, vt ille dixit, explorare.

Hæc constantia & animi Regij infractum ro-
bur, Magnatibus Regni & belli Ducibus adeò pla-
cuit, vt bene de felici liberatione ex tantis malis,
quibus hæc Regna grauissimè affligebantur, spe-
rârint. De quo priusq̃ plura: dicendum erit de
FRIDERICI Regis munificentia, quæ ipsi ad
omnem posteritatis memoriam, longè maximam af-
feret laudem atq̃ prædicationem sempiternam.

Belli enim calamitosissimi tempore, longè ma-
ximo beneficio & penè diuino, Academiam Regi-
am, vnum ex præcipuis Regni ornamentis affecit.

Heroica
munificentia
in Acad: Re-
giam.

Quo quidem ornamento caruit Daniæ Regnum vsq̃
Christianum primum. Etsi enim Ericus Rex Da-
niæ, quem Pomeranum appellamus, à Martino V.
Pontifice R. ius instituendi Academiam in Regno
suo, Anno Domini, 1425. impetrârat: tamen eo
usus non fuit, vel ob difficilia bella, quæ gessit cum
vicinis: vel quod diploma Pontificium, quo con-
cedebatur potestas tradendi iuuentuti omnes artes
liberales, linguas & facultates, vt loquimur, reli-
quas, excepta Theologia, qua Sanctus ille pater no-
stræ gentis homines indignos existimauit, Regni
Senatoribus & Episcopis, quorum eo tempore ma-
gna fuit authoritas, displicuerit. CHRISTIA-

Diploma
Martini v. de
Academia
in Dania in-
stituenda.

D

NVS

Instituta *NYS* itaq, impetrato à Sixto P. R. nouo priuile-
Academia
Hafniensis A, gio, conditor & pater Academiæ Regiæ est,
1478. quam penè collapsam instaurauit *CHRISTIANVS*
III. FRIDERICVS verò *II.* Regia munificentia
plurimum adauxit, idq, hac occasione & diffici-
limo Reipub. tempore.

Cum intellexisset, ob temporum, quibus re-
rum omnium precia quotannis crescunt, difficulta-
tem, stipendia illa ordinaria, à superioribus Regi-
bus constituta, non sufficere tot professorum fami-
lijs liberaliter alendis, eiusmodi accessione locupleta-
uit Academiam, vt quæ hætenus possederat bona,
æquet, vel etiam, si exactè ad calculum ea vocen-
tur, superet aliquot partibus. Quam ipsius muni-
ficentiam nos, nostriq, successores, grata mente

Alumni A-
cademiæ 100.

agnoscemus & prædicabimus. Alumnorum Aca-
demiæ numerum etiam auxit. Nam præter su-
periora, tot bona largitus est Scholæ, vt cen-
tum bonæ spei adolescentes ex ijs mundum &
liberalem victum habeant, ac in communitate
certis exercitijs, ad munus Scholasticum vel
Ecclesiasticum suo tempore obeundum præpa-
rentur.

Stipendium
pro 4. libera-
lium artium
Magistris.

His bonis de quibus dixi, addidit certam
pecuniæ summam, qua liberalium artium Ma-
gistri quatuor, in Germanicis, Gallicis vel Ita-
licis

licis Academijs viuerent, & audirent doctissimorum
Virorum de rebus grauissimis iudicia, linguasq;
peregrinas, cuius apud nos permagnus vsus est,
addiscerent, qui postea certo studiorum curriculo
confecto, domum reuersi Reipub. operam suam ad-
dicerent.

Ex hac munificentia verè Regia, fructus
longè maximus percipitur, & in posterum quoq;
quàm diu Reipub. status incolumis permanserit
percipietur. Viuunt enim hoc ipso tempore in
Regia Academia (vt de Pastoribus & Mini-
stris verbi nihil dicam) aliquot præstantes viri,
qui freti hoc Regio beneficio, vtilissimam ope-
ram nauant Reipub. Atq; hæc omnia, vno eo-
demq; tempore, bello nimirum etiam tum seuien-
te, vt dixi, à Rege optimo Professoribus Aca-
demie eiusq; alumnis, quorum præter ordinari-
os, magnus est numerus, sunt donata. Sed redeo
illuc vnde diuerſi.

DEVS tandem immensa & paterna bonitate
motus, vtriusq; gentis, quæ ipsius Ecclesia est, mi-
sertus, excitauit (quod antea quoq; aliquoties sed fru-
strà tentatum fuerat) potentissimos Monarchas &
Principes, Maximilianum II. Imperatorem R. Caro-
lum IX. Galliarum, Sigismundum Poloniae Reges
Augustum Electorem & alios, quorum interuentu

Anno Chr-
sti 1564.

Pax Steti-
ni sancita. A.
1570. in De-
cembri,

& auctoritate bellum illud infelix in octauum an-
num ductum & productum, maximo horum Re-
gnorum & Vicinorum damno & incommodo, pace
Stetini Pomeranorum constituta & sancita, finem
habuit. Quo ingenti beneficio DEI vt grati rectè
vtamur, faciet ille, cui vni omnia bona accepta fe-
renda, detq; vt quemadmodum illis, qui præter ex-
pectationem à graui morbo liberati sunt, valetudo
iam recuperata charior esse soleat, quàm si nunq̃
ægotassent; accuratamq; eius retinendæ rationem
habent: sic pax post bellum illud diuturnum nobis
reddita, sit ita chara, vt vitemus omnia, quibus ira
DEI in nos rursus inflammetur.

Consulta-
tio de Regis
coniugio.

Finito bello eo, quo dixi modo, exercitu, qui nos
compilârat miserè, dimisso, horumq; Regnorum in-
colis nonnihil à belli istius malis respirantibus: coe-
ptum est seriò de R. Serenissimi coniugio deliberari.
Quod & Regis ætas & Reipub. vtilitas flagitare
videretur. Si enim vel priuato homini suaue est ex
coniuge filium infantem suscipere, imaginem corpo-
ris animiq; sui, vt in eo crescente velut alter ipse na-
scatur: & ex hac vita ita discedere, vt proprium &
quidem ex seipso editum natum relinquat, qui in fa-
cultates & stirpem ipsius succedat, & in quo mor-
tuus viuât ipse: Quanto magis id optandum ijs,
qui à DEO in magnorum Regnorum fastigio collo-
cati

Augusti
Cæsaris ora-
tio apud Di-
onem ex A.
Mylj inter-
pretatione.

cati sunt, & ad quos non solum presentium rerum
cura & administratio spectat: sed quibus etiam
posteritatis ratio est habenda, ut decedentes re-
linquant veri DEI cultores, eosque qui Regnis
antitis cum laude perfici queant? Quae felicitas
ut sibi eveniret Rex, & ipse votis ardentibus à
DEO petiuit, & ab alijs quoque preces concipi vo-
luit: quod ipsius votum & aliorum benignissime
exaudiuit DEVS. Nam lectissima & genero-
sissima Princeps, Filia Illustrissimi Ducis Vlda-
rici & Elizabethæ, D. SOPHIA, pie & sanctè à
teneris annis educata, ipsi in matrimonium tradita
fuit. Nuptias illas, præter Sponsæ parentes, sua præ-
sentia, Augusto Electore Sax: Iohanne Regipa-
truo, & Iohanne eiusdem germano fratre Holsatiæ
Ducibus, Regni & Ducatus magnatibus amplissi-
mis, splendidissimaque nobilitate alijsque multis, inge-
te omnium ordinum laticia & congratulatione, coho-
nestantibus, votaque pro felicibus earum auspicijs con-
cipientibus, quæ DEO accepta fuisse re ipsa & even-
tu comprobatur. Nam fuisse illud coniugium pium,
suaue, castum & fecundum, scimus omnes. Nec
verò aliud esse potuit, cum uterque coniugum Illustris-
simorum, virtutibus illis omnibus, quæ cum alios,
tum imprimis eos qui in summo dignitatis gradu
sunt collocati, ornant maximè, præditus fuerit.

Nuptiæ Re-
gis & Sophiæ
Anno Chri-
sti 1572. die
Iulij 20.

D. D. Re-
gis & Regi-
næ cuiusmo-
di coniugia.

D 3

Post

Munificen-
tia in Mini-
stros verbi,

Sorensen gym-
nasium.

Scholarum
privatarum,
& minorum
usus.

Post initum felix illud & beatum coniugi-
um, tantum absuit, ut Rex curam, quam semel
susceperat de conseruando cultu DEI puro, depone-
ret, ut etiam ad illam indies aliquid accesserit.
Quod satis declarat reliquæ vitæ cursus, quem ille
constanter tenuit. Ut enim Academiam Hafniens-
em ingentibus beneficijs cumulârat, ita quoq; in
Pastores & verbi ministros fuit munificus: auxit
illorum stipendia, sæpè diuertit ad illos, compellas-
uit humanitèr, ornavit magnis muneribus, liberis
& viduis illorum benefecit. Quid de Scholis alijs,
quæ plurimæ sunt in his Regnis, dicam, quarum
nulla est quæ ipsius beneficentiam non sit experta?
stipendia Ludimagistrorum ampliauit, discipulis
plerisq; de victu & amictu prospexit, aperuit no-
uas Scholas, ut nuper Sorensen, in qua liberali-
um artium egregiè doctus Magister, & tres hypo-
didascali multos nobili loco, & alios pueros & ado-
lescentes docent bonas literas et doctrinam cælestem,
atq; ad morum probitatem assuefaciunt. Vidit enim
Rex, haud optimo consilio, auctam & magnis red-
ditibus locupletatam Academiam Regiam, nisi
pueri & adolescentes in priuatis & minoribus Scho-
lis, prius quasi tyrocinis quibusdam literariæ mili-
tiæ præparentur, quàm ad capeffendam in Acade-
mijs sublimiorem artium & omnium disciplinarum
cogni-

cognitionem atq̃ scientiam, accederent. Quod tamen à pluribus, qui præpostera studiorum ratione, atq̃ intempestiua festinatione, relictis minoribus Scholis, ad Academiam agminatim magno cum detrimento Reipub. conuolant. Hæc Regia munificentia, quemadmodum antea quoq̃ dixi, in Scholas horum Regnorum, sempiterna laude atq̃ prædicatione digna est: Nam nec Religio, quæ fons est salutis hominum æternæ, & vinculum consociationis inter ipsos arctissimum, nec Respub. absq̃ literis, nec literæ absq̃ scholis diu conservari possunt. Scholæ enim sunt fontes salutares & limpidissimi, ex quibus doctrina de vera DEI noticia, artes omnes liberales, cæteraq̃ vitæ humanæ ornamenta præcipua, in templa, in curias, & singulorum familias emanant. Quare ut essent qui literis & artibus benè instructi, ad officia Ecclesiastica & politica gubernationis adhibiti, doctrina, scriptis, consilijs & oratione, rerum maximarum deliberationes regerent, tot tantaq̃ bona largitus fuit Rex doctoribus artium & literarum atq̃ ipsis discipulis, ut possessio doctrinæ quam à patre CHRISTIANO III. acceperat, in hisce Regnis diu maneret, atq̃ ad posteritatem propagaretur. In qua ne minimam quidem mutationem fieri passus fuit.

Magnum

Bona quæ ex Scholis bene institutis in omnes vitæ humanæ partes, præmanent.

Theologorum certamina.

Anno Chri-
sti, 1574.

Magnum capiebat dolorem, ex acerbis & grauibus illis doctōrum hominum contentionibus, quibus miserè laceratur Ecclesiæ consensio: distrahantur Principum & gubernatorum animi: injiciuntur multorum conscientijs scrupuli, atq; dubitatio Academica de veritate doctrinæ cœlestis: crescit audacia hostium Ecclesiæ in oppugnanda doctrina, quam profitemur in scholis & Ecclesijs. Ab eiusmodi contentionibus, vt abstinerent sui, seuerè iussit, sancita in eos qui non parerent, graui pœna. Mandabat etiam abstineri ab Ecclesiarum, quæ in alijs Regnis peregrinantur insectatione. Cumq; intellexisset quotannis in vulgus spargi novos libros, qui inexplicabiles controuersias continerent, mandauit omnibus Episcopis, vt illi tanquam in specula & excubijs positi, obseruarent diligentissimè, ne Ecclesiæ, quarum inspectio & curatio ipsorum fidei commissæ erat, detrimenti aliquid ex librorum istorum lectione caperent. Quod ne fieret, iussit id genus libros, ex agris & finibus Regnorum suorum exterminari omnes. Quod ipsius edictum quantum profuerit toti Reipub. ad retinendam piam consensionem, & tranquillum statum in Scholis & Ecclesijs, euentus docet. Nec dubium est FRIDERICI II. nomen cum ob alia ipsius præclara facta, tum etiam ob hanc prudentiam & circumspectionem, illustre redditum

ditum, & seræ posteritati multorum scriptis atq;
prædicatione consecrandum.

Annis aliquot superioribus, multi exules, dul-
cissima patria atq; alijs quæ hominibus solent esse cha-
rissima, ob grauissimas persecutiones & tristissi-
mas lanienas quæ fiebant in Regnis nobis vicinis,
relictis, quærentes hospitium & domicilium, in quo
piè & cum bona conscientia possent viuere, ad nos ac-
cesserunt: erga quos quomodo se gesserit Rex opti-
mus operæ precium est scire. Profuit quidem illis
omnibus, sed ita vt suis in re omnium maxima cau-
tum voluerit. Ius enim Ciuitatum in quibus ma-
nere vellent, & immunitatem à publicis oneribus in-
tegro decennio ipsis concessit, addita tamen hac con-
ditione, vt priusq̃ accenserentur ciuium numero,
ederent coram Episcopis Pastoribus, & aliquot
politicis viris confessionem suam de præcipuis do-
ctrinæ Christianæ capitibus quæ compræhensa sunt
in libro, qui latinè, danicè & germanicè scriptus
extat, quiq; continet nostrarum Ecclesiarum senten-
tiam de præcipuis doctrinæ fidei Christianæ parti-
bus. Norat enim Rex plerosq; illorum hospitem
venisse ex illis Regionibus in quibus multæ perni-
ciosæ hæreses natæ, indeq; in varias Christiani orbis
partes diffusæ, longè latèq; propagatæ essent. Nec
nulli fuere illorum, qui solum rursus vertere malue-
rint,

Humanitas
erga exules
& hospites,
Anno Chri-
sti 1565.

Editus Anno
1565.

rint, quàm formulæ doctrinæ nostrarum Ecclesi-
arum, quæ tamen verissima est, subscribere. Vnde
de quàm necessaria fuerit hospitum illorum exami-
natio, fideiq; ipsorum exploratio, sciri potest.

Beneficen-
tia erga pau-
peres,

Pauperes, quod etiam Christiani magistratus
est officium, ipsi curæ fuisse, argumento sunt ingen-
tia illa bona, quæ ipsis alendis in Nosocomiis, passim
in Regnis suis est largitus, quæ profectò plura sunt,
quàm vt à me commemorari queant. Anni sunt non
multi, ex quo Reipub. Hafniensi multa dalerorum
millia ab ipsius M. & aliquot præstantibus viris,
ordinis Senatorij & alijs in annuos redditus donata
fuere, quibus bis in anno, honestæ familiæ ad ino-
piam redactæ subleuantur & munificè fouentur.
Sæpè magnum numerum pecuniarum aliorum quoq;
oppidorum pauperibus distribuendarum misit.
Quod ab ipso cum aliàs sæpè, tum in primis cum no-
uo aliquo beneficio à DEO affectus esset, fiebat.

Anno Chri-
sti, 1574.

Hiscæ proximis annis aliquot, quibus frumen-
ti inopia, vt etiam in alijs plerisq; Regionibus, labo-
raturum fuit, iussit Præsidibus artium & prædiorum
suorum agricolis & alijs tolerabili pretio frumen-
tum vendere: his verò, qui egentiores erant quàm
vt pretium possent soluere, magnum frumenti nu-
merum donauit: memor illius Salomonis, prohiben-
ti frumentum maledicet populus, benedictio autem
super

Proverb: II.

super caput vendentis frumentum. Quanti verò re-
ferat rectè colì agros, & experientia testis est, & Xenophon;
in œcono.
ille qui dixit Agriculturam aliarum artium paren-
tem atq; nutricem, qua bene habente, cætera valere:
neglecta verò terra mariq; iacere omnia.

Vt autem honestè pauperes liberalissimè iuvit
& fouit, ita robustos illos & otiosos erroneos, Lex sanc-
ta de validis
& robustis
mendicis.
inertes & absq; vlla debilitate miserandos, qui
passim vagando stipem ab alijs extorquere so-
lent, à quibus etiam non rarò multa turpiter
& sceleratè admissa compertum, ferre non potu-
it: Ideoq; legem sancivit, qua & mendicis egen-
tioribus de victu prospicitur, & validorum isto-
rum hominum mendicatio prohibetur. Quod à Vt a Gratia-
no. Valen-
tino Theodo-
sio & alijs.
magnis Imperatoribus quoq; factum olim, & ver-
bo DEI consentit optimè. Qui vt mandat cùm
magistratui, tum alijs vt pauperum inopiam suble-
uent: ita quoq; promittit ipsorum benefactoribus
amplissima præmia, & seuerè otium prohibet: Si
quis, inquit Paulus, nolit operari etiam ne edito. 2. Theß: 3.
eiusmodi beneficentiam præmijs ornari à DEO,
exemplis propemodum infinitis posset doceri, è quib;
vnum tantum recitabo. Tiberius II. Impe-
rator, adeò multa pauperum familijs alendis
distribuere fuit solitus, vt à Sophia Iustini vi-
dua reprehenderetur, quæ cum diceret, illa profusione

Tiberij II.
liberalitas in
pauperes.

(sic enim vocauit munificentiam illam in pauperes) *fiscum exauriri, respondit Tiberius: Nunquam fiscum, quam diu portio aliqua pauperibus daretur, exauriri posse. Quod verè ab ipso dictum, postea euentus comprobauit. Nam DEVS & præclaras victorias ipsi dedit, & opes ipsius magno additamento cumulauit: quod hac occasione euenit. Cum auream crucem insertam marmori, ne illa pedibus conculcicaretur, leuari iuberet, aperto sepulchro ingentes thesauri inuenti, quibus fretus, res magnas & imperio vtilis gessit. Sed quid opus est exteris, cum domesticis exemplis abundemus. Quantis enim bonis præstantissimorum Regum, vt de alijs nihil dicam, laudatissimæ memoriæ CHRISTIANI III. & FRIDERICI II. beneficentiam remuneratus est DEVS?*

Philostorgia & amor
in sobolem.

Philostorgia & amor ipsius M. in liberos, DEI donum eximium, tres filios & quatuor filias, quibus heroica indoles & generositas inest omnibus, quantus fuerit, testatur illa paterna & pia sollicitudo de ipsorum recta institutione, quam ille norat esse bonæ disciplinæ caput, & diligentiam, quæ teneros animos ad virtutum officia flectit, vim habere maximam. Curauit itaq; Rex optimus tenellos liberos suorum animos mox ab ipsa infantia & teneris, quod dicitur, vnguiculis, prout cuiusq; ætas ferret,

Liberorum
Regiorum
prima insti-
tutio & edu-
catio.

ferret, vera noticia DEI imbui, quod primum
in gynceo Aule, schola quadam pietatis & hone-
statis, fiebat: deinde cum ætas singulorum paula-
tim maturescens accuratiorem institutionem flagi-
taret, delecti sunt ad id munus obeundum viri
pietate, doctrina & prudentia eximij, quorum labo-
ribus vtilissimis affatim & copiose DEVS bene-
dixit. Nam Illustrissimus Princeps CHRIS-
TIANVS III. quem ego honoris & grati-
tudinis ergò nomino, Rex designatus, in Catechesi
Christiana, in latina lingua, rerumq; aliarum hone-
starum cognitione profecit plurimum: quem Vlder-
ricus frater, æmulatur magna cum laude. Vterq;
enim, excellenti ingenio, & vi memoriæ singulari
præditus est. Quod ipsum quoq; de filiabus Regis,
verè à me poterit affirmari. Legunt illæ quotidie
aliquam partem scripturæ sacræ, & inprimis Filia Regiæ.
Psalms Davidis, quos ipsis Pater commendarat
sæpè, audiunt sacras conciones attentè ac decenter,
preces ad DEVM fundunt, cui matris viduæ
mæstissimæ, fratrum charissimorum, suam & Rei-
pub. orbitatem commendant.

Quæ dixi hætenus, etsi optimo Regi inpri-
mis curæ fuere, tamen cætera Christiani Magi-
stratus officia minimè neglexit. Iudicia enim con-
stituit, legibus honestis paruit, subscribens laudatis-
simæ

Forenses
actiones & iu-
ris admini-
stratio.

simæ illi legi Theodosij: Digna vox Maiestate re-
gnantis, legibus se alligatum Principem profiteri.
Ex legum præscripto controuersias motas diremit.
Iudicijs enim sæpissimè ipse præfuit, secutus in eo
Proverb: 20. Salomonis consilium, cuius hæc est oratio. Rex in
Iudiciali folio sedens, discutit oculis suis omne male-
ficiū. In controuersiis dirimendis, primū ope-
ram dedit, vt partium dissidentium amica reconcili-
atio fieret, ac sæpe, posita Iudicis persona, sequestri
& reconciliatoris sumsit, in ijs præsertim litibus,
quibus periculum de fama, existimationeq; alterius
litigatorum esset. Deinde, si id non succederet, ex
legum præscripto, seruata earum tamen moderatio-
ne, si id posset fieri, sententiam pronunciabat. Non
rarò magnis donis affecit litigantes, vt à litigando
disisterent. Benemeritos de Repub. cuiusuis ordinis,
gentis & nationis, præmijs ornauit. Testes sunt,
non solum nostræ gentis homines, sed alij plurimi
omnium ordinum, qui optimi Regis & Regni
beneficijs, pro sua quisq; conditione, statu, meri-
tis, vtuntur fruuntur amplissimis. Cædes, va-
gas libidines, furta & id genus iniurias seuerè
Animadu-
uersio in eos,
qui commu-
nem societa-
tē hominum
turbant. prohibuit delicti, non personæ habita ratione,
fontes puniuit. nec enim in pænis locus esse de-
bet proportioni Geometricæ. Illud verò ita cer-
tum quam quod certissimum, neminem ipsius
volun-

voluntate, nisi causa prius in legitimo iudicio examinata & lata sententia secundum leges, ciuilitervel criminaliter punitum. Qui secus facit, non Magistratus, sed tyrannus potius est appellandus.

Veteribus legibus nouas quasdam, sed paucas easq. Reipub. in primis vtilis addidit, & id quidem de consilio Amplissimorum Regni Procerum, & Senatorum sapientissimorum, quos ille, vt & debuit, maximi in tota gubernatione, fecit, atq. summo loco apud se habuit. Leges illae de quibus loquor, sunt de modo in dotibus & donationibus propter nuptias, in quibus multa in fraudem heredum fiebant, seruando: de funerum sumptibus, qui ad summum, magno cum Reipub. detrimento creuerant, moderandis: de repudijs et diuor-tijs, de quibus etsi leges quaedam extabant prius, tamen ob earum vel breuitatem, vel sententiam minus explicatam, in consistorijs iisdem de causis non raro discrepantes sententiae pronuntiae fuere. quod ne in posterum fieret, addita fuit illis legibus quaedam declaratio, iudicibus et litigatoribus in primis utilis.

Moris est, eas controuersias, quae in iudicijs inferioribus non possunt decidi, in comitijs, quae plerumq. Hafniae Regni metropoli habentur, Regis & Regni Senatorum sententia, à qua nulla est pro-uocatio, finiri. Quae comitia si ob certas causas haberi

Leges nouae sancitae & promulgatae.

haberi non possent loco illis destinato, constitutum fuit vt certo anni tempore in singulis Regni ditionibus, aliquot è Regni Senatoribus cum alijs ad id delectis sapientibus viris forum agentes, controversias & lites illas prorogatas terminarent.

Ephori &
harmostæ
missi in Nor-
uegiâ & Go-
thiam,

Eodem consilio misit sepe in Noruegiam & Gothiam insulam eiusdem Senatorij ordinis præstantes Viros, quibus alij quoq; adiuncti fuere. Qui in Præsidium, Iudicium & Præfectorum vitam & gubernationis rationem, subditis facta potestate accusandi eos, à quibus iniuria affecti fuerant, inquirerent. Qua inspectione factum, vt & gubernatores in officio continerentur, & subditi minus eorum iniuriæ expositi, beatius viuerent. Quæ piam & paternam curam optimi Regis, pro suis, sicuti alia quoq; multa, quæ ille hisce postremis annis gubernationis suæ patrauit, satis declarant, ex quibus nonnulla silentio nec possum, nec debeo præterire.

Principatum & Ducatum Slesuicensem, a multis seculis, Regni Daniæ, Feudum esse, testes sunt antiquales, Principum & Pontificum R. diplomata.

Vetus controuersia fuit Daniæ Regibus cum Holsatiæ Comitibus & Ducibus, iam inde ab annis 476 & amplius, ad nos de lure Regni in Ducatum Slesuicensem propagata. De quo nec optime inter laudatissimæ memoriæ Regem CHRISTIANVM III. & fratres ipsius consanguineos, Iohannem & Adolphum Holsatiæ Duces conuenit. Metuens itaq; Rex FRIDERICVS, ne controuersia illa

illa motus ingentes & bella, quemadmodum memi-
nerat factum temporibus Nicolai, Canuti (qui pri-
mus Dux Slesuicensis appellatus, & à Lothario
Imp. Vandalorum Rex creatus est) Suenonis,
Voldemari, Erici & Margaretae Regum Danicae,
aliquando pareret; monuit Principes propinquos,
ut illi, Regno auito in Ducatum Slesuicensem resti-
tuto iure, paci & tranquillitati horum Regnorum
& ditionum consulerent. De quo post varias con-
sultationes, tandem per arbitros honorarios, Au-
gustum Electorem, Vldericum Megapolitanum
Ducem, & Guilhelmu[m] Lantgrauium Hassiae res-
eò deducta fuit ut Iohannes & Adolphus Otho-
niae in frequentibus comitijs, accepta solenni Feudo-
rum ritu, Ducatus Slesuicensis inuestitura, spospon-
derint se atq. suos successores Duces Slesuicenses
in fide FRIDERICI & successorum Danicae Re-
gum constanter mansuros.

Anno Chri-
sti, 1550.

Hic eluxit admiranda DEI prouidentia &
bonitas, qui sapientissimè rebus omnibus feliciter
gerendis metas & momenta sua constituit. Ete-
nim quod multi potentissimi Reges Danicae armis re-
cuperare frustra conati fuere, id demum FRIDERI-
CO rerum potiente, amica compositione postliminio
redditum. In quo ut praestantis Regis in Rempub. Ecclesi: 3.
amor & fides, ita quoq. Illustrissimorum Ducum mo-
deratio,

Momenta
temporum re-
bus gerendis
a Deo consti-
tuta.

deratio Iustitiæq; amor est merito laudandus, qui Regi in eo, quod iuste postulatum fuerat, cesserint.

Legati in
Scotiam mis-
si, A. Christi
1585.

Eodem spectavit legatio in Scotiam missa, de Orcadibus, quæ ante annos centum & amplius dotis nomine, Margareta Christiani primi filia Iacobo Stuardo Regi in matrimonium tradita, oppignoratæ fuerant, redimendis. De quibus etiam Iacobus VI. Serenissimus Scotiæ Rex ad nos suam legationem misit. Quæ tamen controuersia ob Regis immaturam mortem finire nondum potuit, finienda verò cum DEO ita fuerit visum.

Legatio ad
Henricum
Regem Gal-
licarum missa
Anno Chri-
sti, 1586.

Ipsi in primis curæ salutem Ecclesiarum horum Regnorum fuisse dixi, nec tamen pro exteris omnem sollicitudinem deposuit, quòd ita esse cum multa alia luculenter demonstrant, tum etiam legatio illa magnis sumptibus ad Henricum Regem Gallicarum missa, qua intercessum fuit pro Ecclesiarum illarum Gallicarum, quæ iugum Antichristi excusserant, pace siue inducijs impetrandis. Quæ sympathia Christiano Magistratu digna est.

Profectio
Luneburgū
suscepta, An-
no 1586.

Nec alio consilio ante biennium, sumptuosa illa profectio Luneburgum fuit suscepta, quam ut Illustrissimos aliquot Germaniæ Principes, consanguineos & affines suos moneret de periculis quæ ipsorum cervicibus, crescente indies magis magisque Antichristi potentia, imminent, auertendis: ne incauti
opini

opinionē citius opprimerentur. Quod ipsius consilium, etsi euentum, quem ille optarat, non habuerit meritò tamen laudandum est & prædicandum. Nam sapientum hominum facta, non euentu, sed proposito aestimari & ponderari debent.

Consilium illud amicis Principibus datum secutus ipse, comparauit magna diligentia & imensis sumptibus ea quibus hortuli cælestes, hoc est, Ecclesiæ, Scholæ, iudicia, leges, disciplina, æconomia conseruarentur & defenderentur. Etsi enim ea omnia diuinitus consistunt, & in statu suo permanent salua, tamen DEVS vult ad suum auxilium humanam quoq; industriam accedere. Naues itaq; quæ sunt lignei muri & horum Regnorum propugnacula, maximis sumptibus ædificari, varij generis arma fieri, & reliquum belli apparatus, ut in promptu haberet, curauit diligentissimè. Quod eò facilius ab ipso fieri potuit, quod etiam in hoc Regno sint excellentissimi omnis generis artifices, Architecti, Naupegi, fabri & id genus, cuiusmodi paucos aurum nostrorum memoria fuisse in his Regnis existimo.

Diligentia Frederici Regis in comparandis ijs, quæ ad defensionem horum Regnorum pertinent.

Artifices excellentes, Deidonum sunt.

Sed cum armorum vsus absq; ijs qui armis rectè uti sciunt, nullus propemodum sit, viros fortes & rei militaris scientes, quorum opera, si tempus & necessitas id flagitarat, ad earum

F 2

rerum

Sapientes
consiliarij.

rerum, de quibus dixi, defensionem & tuitionem
vteretur, sibi munificentia illa Regia officijsq; alijs
adiunxit. Et cum arma parua sint foris, nisi ea do-
mi prudentia regantur, secum esse quoq; voluit viros
qui togata etiam fortitudine atq; politica sapientia
excellerent. Quibus virtutibus, etsi plerisq; alijs
antecederet, tamen aliorum sapientum hominum
consilijs tribuit plurimum.

Quod ipsum cum faceret M. Antoninus à quo-
dam familiari reprehensus, dixit: quantò æquius
est vt ego tot ac talium virorum secutus consilium
in eorum acquiescam sententijs, quàm vt illi ad me-
am vnus voluntatem se comparent. Oratio sapiente
Imperatore digna. Qui enim de sua vnus senten-
tia omnia gerit, superbus potius quàm sapiens exi-
stimandus, à quo vicio quantumuis florens potentia,
dignitate & authoritate, in rebus gerendis successu
atq; felicitate, FRIDERICVS II. alienissimus fuit.
Voluit itaq; Rex sapiens secum esse viros & bel-
lica & togata fortitudine præstantes, erga quos, vt
singularem benevolentiam declararet, interdum va-
letudinis minus accuratam rationem habuit. Quod
tempori & moribus hominum, magna ex parte ad-
scribi debet. Vt enim fluminum impetus secum ab-
ripiunt nauigantes, sic errores temporum trahunt
homines, vt minus præsentia improbent. Nam
singulæ

Valetudinis
ratio negli-
gentius habi-
ta.

Cicero pa-
rad: 6.

*singulae aetates contagij aliquid miscent hominum na-
 turæ, quæ in hac imbecillitate, nunquam est sine vicijs :
 Et fit ferè, quod Seneca dixit, ut remedio locus non
 sit, ubi quæ vicia fuerunt, mores fiant. Quod ipse
 non rarò fatebatur. Habent quidem etiam maximi ^{Magnorum}
 Principes suos quosdam naves & errata; ob quæ ^{virorum er-}
 tamen boni Magistratus nomen non amittunt. ^{rata.}
 Quanti viri, DEVS bone, fuere David, Ezechias,
 Iosias & alij nonnulli, quorum errata quæ literis
 prodita sunt, quis nescit? Non quidem, ut eos er-
 rantes imitentur alij, sed ut agnita sua imbecillita-
 te, & viuant circumspectius & cum lapsi fuerint
 (Non est enim iustus in terra qui benefaciens etiam ^{Ecclesi: 7.}
 non peccet) illorum exemplo resipiscentes, in gratia
 am cum DEO redeant. Fatendum itaque est, FRI-
 DERICO Regi suos quoque naves fuisse, quos DEI
 immensa misericordia benignè contexerit.*

Quanta vero authoritate ipse præstiterit, ^{Authoritas}
 testantur illæ crebræ & splendide legationes ad ^{Magistratus}
 ipsum missæ, Imò maximorum Principum ad ^{Dei donum.}
 ipsum accessus, ut cum ipso de rebus maximi ^{Prouerb: 20.}
 ponderis momenti que consultarent. Quod ab ijs
 plerumque quorum res aduersæ fuere factum me-
 minimus. Fuit enim Rex aræ instar, ad quem
 vi & iniurijs oppressi confugerent. Principes
 Principumque legatos, quanta comitate, & humanitate
 adueni-

Humanitas
comitas | i. &
munificencia
erga legatos.

aduenientes exceperit, & abituros dimiserit, quan-
tisq; muneribus ornarit, vt fuit ad benefaciendum
alijs natura propensus, longum foret commemorare.
Intellexit enim Regna Principibus diuinitus dari
ad beneficentiam in alios exorcendam, atq; de genere
humano benè merendum. Quod ipsi summo studio
atq; curæ fuisse, ex ijs quæ dixi, & multis alijs quæ
temporis angustia dici non patitur, satis intelligi po-
terit.

Procerum &
subiectorum
amor erga
Regem,

CHRISTIANUS
iv. Rex desi-
gnatus, An-
no Christi,
1584.

Procerum Regni & subiectorum in ipsum
quantus amor & beneuolentia fuerit, plurima sunt
quæ satis demonstrant, quorum vel præcipuum est,
quòd Magnates Amplissimi ante annos ferè quatuor
Illustrissimum Principem, CHRISTIA-
NUM IIII. summa voluntatum & animorum
consensione, maiorum exemplo, Regem designa-
runt. Quæ summa, & in Serenissimum Patrem,
& Illustrissimum Filium beneuolentiæ atq; fidei te-
stificatio erat. Id ipsum quoq; plangore, complora-
tione & lamentatione omnium ordinum Respub. cum
eum humanis rebus exemptum percrebuisset, intel-
lectum.

De hac fide & beneuolentia subiectorum cum
sibi gratularetur, huiusmodi oratione vti solebat.
Sunt inquit magni Principes nobis non ignoti,
qui rarò venatum, nisi expeditorum equitum magno
numero

numero stipati, & quasi vallati exeunt, adeo sibi à suis metuunt: At mei in me, ut & ego in eos, alio sunt animo affecti. Nemo enim meorum omnium est, qui cum vel noctu solus non ausim iter facere: atque, si ita opus foret, in ipsius sinu dormire. Oratio profecto magnanimo & sibi bene conscio Principe dignissima.

Similis narratio de Eberhardo, Duce Virtebergico extat.

Nam regium est sic imperare alijs, ut ameris potius quam metuaris: Metus enim malus est custos diuturnitatis: Contra verò non arma & exercitus, sed protectio DEI, sociorum amicitia, subiectorum amor & fides sunt Regum adamantina praesidia. Haec fiducia ipsum à futilibus & friuolis suspicionibus, quae plerumque minuti animi consilijque inopis argumentum sunt, liberum reddidit.

Regum firma praesidia.

Mendacium quoque (ut id hoc loco commemorem) odit ut qui maxime, non aliter atque heros ille de quo Poëta.

Mendacior.

Odi etenim ceu claustra Erebi, quicumque loquuntur Ore aliud, tacitoque aliud sub pectore condunt.

Achilles Homericus.

Atque idem tamen multa etiam intimos non raro celauit. Non enim necesse est semper claram veritatis faciem ostendere: unde factum ut ardelionibus & sycophantibus, quibus obsonium est, Principum animos in bonos & innoxios inflāmare, aures rariùs pateface.

Pindarus.

Assentatores & Sycophantae.

Psal: 109.

Idea bene
instituta au-
lar.

Artabani
oratio apud
Herod. lib. 7.

tefaceret. Cum enim aliquis se ad famæ absentis ob-
trectandum pararet, audijt: vide dicas, quæ post
voles audire. Nam quæ dixeris, primam nactus
occasionem, illi, de quo fueris locutus, renunciabo.
Quod ut faceret Rex, in schola Spiritus Sancti di-
dicerat. Ille enim verbis Davidis, qui aularum ar-
tificia nôrat optimè, docet magistratus, cuiusmodi
consiliarios & ministros ferre atq; audire debe-
ant. Quem Psalmum FRIDERICVS Rex initio
gubernationis, Ecclesiastæ sui scholijs illustratum, in
priuatum suum vsum, typis excudi curauit. Quan-
ta verò pestis humani generis sit calumnia, sapiens
ille Princeps docet, qui monet non solum linguam,
sed ne aures quidem calumnijs impertiendas, quòd
duo sint, qui vnum iniuria damnoq; afficiunt. Qui
enim calumnias alteri struit, illum quem absentem
vituperat, sceleratè lædit. Qui verò auscultat,
eundem lædit, quia delectatur inclementibus in ab-
sentem dictis, ignarus veritatis. Ita in vnius mi-
seri, & quidem inscientis perniciem duplex consen-
tit, & quasi conspirat malitia.

Essent quidem multò plura commemoranda de
virtutibus FRIDERICI Regis, eiusq; præclaris
factis, sed ne videar auditorum beneuolentia &
æquitate abuti, contrahenda nobis erunt orationis
vela, plurimaq; alijs, qui suo tempore de his scribebunt
luculenter, relinquenda.

Nihil

Nihil itaq. dico de arcibus & munitionibus
 tum alijs tum etiam Fridrichsburgo & Cronburgo, Arces.
 arce omnium pulcherrima, quæ ad Danicum Hel-
 lespontum posita, & ornamento & munimento hisce
 Regnis est: nihil de templis quæ ille vel à fundamen- Templa.
 tis excitari, vel vetustate ferè collapsa, magnis sum-
 tibus instaurari curauit. In quorum nonnullis exteri
 & nostratis linguæ ignari, sacros conuentus cele-
 brant, quorum Ecclesiastæ Regijs, ijsq. opimis, sa-
 larijs viuunt. Quis enim Regum superiorum mini-
 stris suis ampliora stipendia, quàm FRIDERI-
 CVSII. persoluit? Nihil de CHRISTIANI III. tu- Monumen-
tum Christi-
ano III. posi-
tum.
 mulo, quem in huius augusti templi ædícula mo-
 numento pulcherrimo ex alabastrite, Lydioq. la-
 pide imaginibus & sculpturis artificiosissimè, ma-
 gnis sumtibus elaborato, decoratum cernitis: nihil
 de Boringholmia insula copiosa & fertili, post Boringhol-
mia restituta
Anno 1576.
 quinquaginta annorum seruitutem in pristinam li-
 bertatem asserta: nihil de nauigatione ultra Nor-
 uegiæ promontoria ad emporia Moscorum hisce
 proximis annis, magno nostro commodo, aperta:
 nihil de conuentione cum Anglis, de commercijs, Anno 1583.
 quæ illi cum Moscis & alijs, Regis nostri & Re-
 gni Senatorum concessu, miscent: nihil de alijs
 multis, quæ magna cum laude FRIDERICI pos-
 sent commemorari. Properat enim oratio ad Hi-
 storiam

G

storiā obitus ipsius exponendam, quam si li-
ceret, mallet prætermittere. Sed cum illa quoq̃
illustra immensæ bonitatis DEI erga FRIDE-
RICVM suum documenta contineat, & fructum,
quem ille ex veri DEI cultu atq̃ constante pie-
tate percepit, nobis ob oculos ponat, omitti non
debet. Referenda itaq̃ verissimè, quemadmodum
eam à viris fide dignissimis, qui Regi egrotan-
ti & morienti adfuere semper, accepimus.

Valetudo
Regis,

Ea corporis temperatio, & Valetudo Regi
FRIDERICO fuit vsq̃ ad annum ætatis quinqu-
agesimum tertium ferè, quæ varius morbis tentare-
tur. Tunc enim virium quedam naturalium im-
becillitas animaduersa, quam paulatim auxere
graves & molestæ cogitationes, de tristi atq̃ defor-
mi statu orbis Christiani, deq̃ continuatis tot Re-
giæ gentis & familiæ Principum funeribus: ut

Mortui Io-
han: Anno
80. Kal: Oc-
tobris.

Adolph: A.
86. Kal: ñf-
dem.

Mag: A. 84.
Anna 85. Kal:
Octobris.

Augu: An-
no 86. 11. Feb.

Elizab: vxor
Vlderici.

86. 14. Octob

Iohannis & Adolphi patruorum: Magni germani
fratris: Annæ Sororis, Augusti Sororij: Eli-
zabethæ fratricæ: Elizabethæ socrus: Elizabe-
thæ F. Adolphi, eiusdemq̃ filij FRIDERICI &
aliorum. De quibus sæpè dicebat Principes sibi
coniunctissimos in veram & cælestem patriam
abiisse: eodem quoq̃ sibi breui commigrandum.
Quo sermone paucis complexus est omnia illa, quæ
nobis in amicorum morte atq̃ funerum ceremonijs,
piè

piè sunt cogitanda, cuiusmodi est & illud: Hodie mihi, cras tibi. Tota ferè æstate superiore, catarrho & sicca tussi grauius affligebatur.

Elizab: F.
Adolphi 87.
Frid: Adol-
phi F. A. 87.

Cum Synderburgi esset, ut nuptias Ducis Iohannis fratris, & Hagnetæ Hedwigis, quæ Augusti Electoris vxor fuerat, sua præsentia cohererestaret, sacræ quidem & solenni Illustrium Sponsi & Sponsæ benedictioni interfuit: Sed à conuiuijs, nisi quando Principes, qui conuenerant, salutandi essent, plerumq; absuit. Quod ipsum Hætersleby quoq; factum. Eò enim Principes illos omnes, qui conuenerant Synderburgi, & in ijs D. Iohannem Georgium Principem Anhaltinum, & D. Dorotheam Principem Mansfeldicam ipsi desponsam, inuitârat. Quorum nuptias quoq; apud se atq; suis sumptibus fieri voluit. Quod more suo fecit. Vt enim honesti coniugij amantissimus erat: ita quoq; multi nobili loco nati & alij, ipsius secuti auctoritatem, matrimonium, cuius ille proxeneta & conciliator fuit, inière, quos splendide apparatis conuiuijs honoratos, magnis beneficijs cumulauit.

Nuptiæ Ducis Iohan: & Hagnetæ Hedwigis 14. Feb. celebratæ.

Nuptiæ Principis Anhalt. & Mansfeld. celebratæ 21. Februarij.

Amor Coniugij.

Anhaltini & Mansfeldicæ nuptijs Regio apparatu celebratis, Principibusq; exteris, præter D. D. Philippum Brunswicensem, & Christianum Anhaltinum, quos diutius secum esse voluit,

Principes exteri dimissi.

amantissimè dimissis: profectiōem, in Selandi-
am rediturus, vt soli & cæli mutatione vires cor-
poris nonnihil recrearet, aliaq. negocia expediret,
adornat.

Neoburgum
venitur.

Hattersebio itaq. in fine Februarij digres-
sus Neoburgum quarto die Martij venit, vbi,
quamuis secundus ventus ad nauigandum inuita-
ret, biduum tamen ferè tussi sicca, quæ ipsi som-
num sæpius interruptit, grauiter afflictus, substi-
tit.

Redit in Sie-
landiam.

Sexto die sinum Balthici maris transmis-
surus, nauim ægrè conscendit, quâ cum veheretur,
ab erat ipsi familiaris antea vultus hilaritas &
suauitas. Cæteris vectorebus cibum capientibus,
ipse, præter morem, loquutus pauca, parum come-
dit. Korsöræ ac inde Antuorschouiam arcem
sub noctem eiusdem diei peruentum. Vnde ad Cro-
neburgum arcem cogitabat. Verum Medico sua-
denti, vt dies aliquot, intermissa profectiōe, cu-
rando morbo tribueret, sermone veræ quidem pie-
tatis indice, sed ominis sinistri pleno respondit,
se morbo eiusmodi confici, cui solus DEVS mede-
ri possit: velle se tamen medici consilium sequi, ne
artem illam præclaram diuinitus monstratam homi-
nibus, aspernari videretur: Vicem verò Princi-
pum exterorum, quibus mora illa gravis esset futu-
ra,

Ars medica
Dei donum.
Syrach. 38.

ra, se dolore. Quo sermone se illorum dissimilem,
esse ostendit qui, cum volunt habent, de aliorum
commodo vel incommodo parum sunt solliciti.

Aſa Rex Iuda magnam laudem, quòd cultus *2. Chron: 16.*
DEI instaurandi & propagandi fuerit studiosus,
meretur: Sed idem vituperatur, quòd morbo aſe
ſtictus, ad medicos tantum, non ad DEVM, ac
currerit. At Rex FRIDERICVS & medica
mentis, quantum quidem vires corporis possent
ferre, vsus est, et DEVM ardentissimè pre
catus, quòd etiam ab alijs fieri voluit, vt ille pec
cato, prima morborum & omnium ærumnarum,
quibus subiectum est genus humanum, causa, sibi
condonato, morbum tam dirum vel tolleret, vel
mitigaret, prout ipsius paternæ voluntati & bo
nitati videretur. Quæ preces minimè fuerunt irri
tæ. Nam DEI ope atq; medicamentorum effica
citate eiusmodi facta morbi remissio, vt pleriq;
omnes spem de vita ipsi longius proroganda, vt
Ezechia & CHRISTIANO III. laudatissimis *2. Reg: 20.*
Regibus cuenit, conceperint. Quam spem cum ip
se quoq; haberet, iniunxit Regina, vt illa Hatter
slebiū profecta, liberos, quos ibi reliquerant,
quàm posset celerrimè secum adduceret. Quod
per ipsam fieri voluit, vt liberi minore cum pericu
lo ad se traducerentur. Ingenti enim desiderio, vt
Esaie 38.

Petitio au
xilij Dei mor
bi curationi
iuncta.

Regina Hat
terslebiū
proficiscitur.

*sunt in heroicis naturis storgæ expressiores, eos
videndi ardebat. Etsi verò illa, fluctuante adhuc
Regis valetudine, inuita discederet, tamen ut vo-
luntati ipsius, quemadmodum aliàs semper, morem
gereret, inter spem & metum hærens, viæ se com-
mittit.*

*Ut nihil in humanis rebus firmum, nihil sta-
bile, nihil diuturnum potest reperiri: Ita quoq;
spes illa de vita in his terris longiùs proroganda,
citò, præter expectationem euanuit. Nam aliquot*

*dies post Reginæ abitum morbus nouis auctus vi-
ribus, tanto cum impetu recurrit, ut nulla prope-
modum euadendi spes appareret amplius. Quod
etsi Rex animaduertit, tamen Medicum, qui ipsi
charus erat, interrogat, quidnam de morbi statu*

*nunc sentiret. Ad quæ Medicus, nihil dissimu-
lans, sibi præsidij parum in secundis causis reli-
quum videri. DEVM verò, quæ est ipsius pa-
terna bonitas & omnipotentia, in graui hoc naturæ
& morbi conflictu, quod suæ gloriæ, Ecclesiæ &
horum Regnorum bono & saluti cederet, factu-
rum. Nec dubitare se Regem pium, ut in omni
vita superiore, ita quoq; hoc tempore, quæ cum
DEO in æternæ salutis negotio forent agenda, piè
cogitare. Cui Rex: Senec de vita hac mortali,
nec de vllis alijs rebus fallacibus & incertis, cu-
iusmo-*

iusmodi sunt huius mundi omnia, sollicitè ang:
Vitam verò, animam & quicquid boni possidet,
DEO cui debeat omnia, fidelissimo custodi & de-
positario commendata, eiusq. constantissimæ fidei
commissa velle. Nec quicquam quod Christiani ho-
minis foret, in se, DEI vnus gratia sustentato,
desideratum iri.

Paulò post Ecclesiastæ consilium suum de Colloquium
vfu cænæ Dominicæ, in quartum diem differendo, Regis cum
se mutasse aiebat. Quòd quantò plus ingrauesceret Pastore,
morbus, eò maiori desiderio escæ corporis & poti-
onis sanguinis CHRISTI, quibus esuriens & siti-
ens anima recreari & foueri posset, incenderetur.
Pastor itaq. voluntate Regis intellecta, ipsum de
salutari ad corporis & sanguinis Filij DEI sum-
ptionem præparatione, ex Paulo, deq. consolatione, 1. Cor: 10.
quæ pjs omnibus in Testamento CHRISTI pro-
ponitur, piè monuit. In qua Catechesi cum Hypo-
staticæ vnionis duarum naturarum in CHRI-
STO, eiusq. beneficiorum in genus humanum men-
tio fieret, animaduvertebatur ipsius cor miranda qua-
dam cupiditate & ardentissimo vitæ æternæ desi-
derio, arqere.

Tertio die, semotis alijs omnibus, in priuato Priuata Re-
cum Pastore colloquio, præclaram fidei suæ confes-
sionem edidit de peccato, de Gratia DEI, quæ
infi-
gis confessio
die 3. Aprilis,

infinitis partibus omnium hominum omnes miseriae
 superat, deq. pollicitatione gratitudinis erga
 DEVM, si diutius in terris ipsum superesse vel-
 let. Cui hac pie locuto Pastor, auctoritate sacri
 ministerij, CHRISTI nomine, remissionem pec-
 catorum omnium annunciat. Colloquio illo finito,
 Magnificoq. Cancellario, nobilibus aliquot mini-
 stris & alijs cubiculum ingressis, recitantur à Pa-
 store fidei Christianae capita: fiuntq. preces ab om-
 nibus, qui aderant, pro salute Regis, eius in fide
 perseverantia, morbiq. in melius, prout DEO
 placeret, commutatione, quibus addita recitatio
 Psal. 25. & dulcissimae promissionis CHRISTI:
 Quicquid petieritis Patrem in nomine meo, dabit
 vobis. Atq. eam secuta communicatio corporis &
 sanguinis CHRISTI, & gratiarum actio pro sum-
 mis illis beneficijs, nobis à DEO per Filium ipsius
 praestitis: pronunciata deniq. Aaronica benedictio
 his verbis:

Iohan: 15.

Vnus Coenae
Domini,

Nume: 6.

Benedicat tibi IEHOVA & custodiat te:
 Leuare faciat IEHOVA faciem suam super
 te, & misereatur tui:
 Attollat IEHOVA faciem suam, & ponat
 in te pacem.

Atq. ita Rex, abiecta rerum aliarum omni-
 um cura, deq. ijs anxia solitudine, caelestium &
 eter.

æternarum meditationi, coniuge dilectissima, charissimis liberis, Regnis, & subiectis, DEO fidelissimè commendatis, se totum dedit.

Post meridiem cum à leipothymia, quæ aliquoties recurrerat, ad se redisset: Sententiæ aliquot, quibus ille in meditatione beneficiorum CHRISTI detineretur, recitatæ, cuiusmodi sunt: Sic DEVS dilexit mundum &c. Oves meæ vocem meam audiunt: & Ego vitam æternam do eis, nec peribunt in æternum. Ego sum via, veritas & vita. quas ille attentissimè audiuit.

Iohan: 3.

Iohan: 10.

Iohan: 14

Sub noctis horam decimam redijt Regina difficili & periculoso itinere terra mariq; confecto, atq; mox cubiculum ingressa Regem dormientem inuenit. qui paulò post expergefactus, eam his verbis amantissimè alloquitur. Venisti ne tandem vxor mihi exoptatissima? Salui ne liberi nostri? Ad quæ illa: omnia, mi Domine Rex, salua, modò DEVS Opt. Max: te nobis saluum & incolu mem esse voluerit. Etsi autem Regina de via & maris iactatione fessæ quiete opus fuisset: tamen noctem illam totam peruigil mariti lecto assidens, quæcunq; ab vllò homine officia proficisci possent ipsi præstitit.

Regina redit
per nobilem
reuocata,

Quarto die illucescente parat se Rex ad sacram concionem audiendam, cui cum ex more Psal-

H

mi

Iohan: 3.

*Psal. 25.
Euthymia
Dei donum,*

Iohan: 14.

*Quartana
laborauit rex
Anno Chri-
sti 1576.*

mi aliquot à cantoribus & Symphoniacis pueris es-
sent præmittendi, eosdem ille de libro suo vnà cum
alijs concinit, atq; libro Reginae reddito, enarratio-
nem dulcissimæ illius sententiæ, qua plurimum dele-
ctabatur: Sic **DEVS** dilexit mundum, vt filium
suum vnigenitum dederit, vt omnis qui credit in
eum, non pereat, sed habeat vitam æternam: atten-
to animo auscultauit. Qua finita, iussit se de cubi-
culo in proximum cœnaculum deferri, in quo, post
aliquot leipothymias, ad se reuersus, monebatur à
concionatore cum Dauidè his verbis precandum:
*Angustia cordis mei dilatarunt se: ex angustijs me-
is educ me Domine. Ad quæ ille: Nullas cordis
angustias sentio, viribus vero corporis sum defectus:
atq; hæc locutus animo concidit. Quo mox collecto,
dixit: Hæc erat grauis incurio: O, si quis eam
superaret. Tunc Pastor: in itinere, quo nunc es,
mi D. Rex, nemo fidelium omnium perijt. CHRIS-
TO enim, omnibus in eum credentibus præeunte,
hæc via strata & aperta. Quorum in numero cum
sis, ille, qui est via, veritas & vita, rectâ in veram
patriam te adducet, De eo, inquit Rex, nihil pror-
sus dubito. **DEVS** mihi felicem horulam largi-
atur. Addebatq; sibi aliquando quartana laboran-
ti euenisse, vt, ministris omnibus absentibus, animo
deficiens humi concideret, ita sensu omni captus, vt
è vita*

è vita excessisse videretur: Et cum auxilio DEI
 fretus ad se redisset, hæc secum cogitasse: En mor-
 tuus reuixisti: si mors nihil est aliud, quàm quod mo-
 dò expertus es, facilis per eam in vitam æternam erit
 transitus. ô si mihi in separatione illa spiritus à corpo-
 re, quam prope abesse video, id largiatur DEVS,
 ne aut diutius aut vehementius torquear, quàm vires
 meæ ferre possint. Ad quæ Pastor: Mortis me-
 tus, & quicquid eum antegreditur, morte ipsa terri-
 bilius est. Scriptura enim mortem cum graui som-
 no comparat. Ideoq; Paulus illi insultans exclamat: *Mors somno*
 ubi est tuus, ô Mors, stimulus? ubi tua, ô Inferne, *similis.*
 victoria? DEO sit gratia, qui dedit nobis victo- *Iohan: 10.*
 riam per Dominum nostrum IESVM CHRIS- *Actor: 7.*
 TUM. Eodem quoq; animo fuisse FRIDERI- *1. Corint: 15.*
 CUM Regem non dubium est. Etsi enim in mortis
 faucibus hæserit, tamen stimulum eius nullum sensit.
 Nam in corde, à quo metus mortis abfuit, vitæ æter-
 næ initium erat.

Hic emicuit admiranda animi Reginæ mode- *Moderatio*
 ratio, quæ etsi, quod etiam Magnifico D. Cancellario *animi Regi-*
 Nicolao Kaas dixit, prope adesse videret horulam, *næ.*
 qua, Rege dilectissimo ex his terris in cælum euoca-
 to, vidua fieret, tamen ne piæ Regis meditationes
 interPELLARENTUR, ab omni querela, planctu & eiu-
 latu, cui tamen ab ipsius conspectu auersæ lachrymæ

H 2

vber-

ubertim genas rigarunt, abstinuit. Eiusdem moderationis & pietatis, quod subijciam, argumentum fuerit.

Iohan: 12.

Vxor Christophori Ducis Megapolitani, quæ obiit A. 1575.

Cum recitarentur CHRISTI verba illa ex Iohannis Euangelio: Amen amen dico vobis, nisi granum frumenti cadens in terram mortuum fuerit, ipsum manet solum. Si verò mortuum fuerit, multum fructum afferet. Regina, sermone ad maritum conuerso, interfata dixit: Dorothea matertera mea in agone cum morte vel præcipuam consolationem ex eo hausit, quod temporariam hanc mortem vita æterna mox excipiat: Verbaq; cantici solennis, quorum hic sensus est, aliquoties ab ea iterata & repetita dixit: Mirum duellum, quo Mors & vita lucta certarunt: Triumphans vita triumphatam mortem absorpsit, Hæc Regina. Illustri exemplo pijs matronis omnibus relicto, quòd nam ipsis in similibus angustijs & tentationibus sit agendum.

Rex paulò post Medici manum pectori suo admouit, vt cordis motum exploraret, extenditq; brachium, vt carpi arteriam contrectaret, cuius motum cum admodum imbecillem, quod ipsemet sensit, audisset, in hæc verba erupit: Pulsat in nomine Domini. Ego sum, DEO sit gratia, æquo animo. Scio enim, siue moriar, siue viuam, me Domini mei

IESV

IESV CHRISTI esse. Sub quartam pomeridianam recitati sunt hi versus è Psalmo Davidis. Verbis Pastore præeunte.

Misericors & clemens *IEHOVA*: tardus ira
& multus bonitate. Non perpetuum iras- *Psal: 103.*
cari solitus, nec in seculum iram asseruat.
Non secundum peccata nostra fecit nobis,
neq; secundum iniquitates nostras respondit nobis.

Vt miseretur pater filiorum, miseretur *IEHOVA* timentium eum.

Ad quæ Rex clara & forti voce. Verum est, verum est. Qua clausula ille fidei suæ confessionem in his terris sanctè finiens, in meditatione verborum Vt pater miseretur filiorum, miseretur IEHOVA timentium eum, ut & CHRISTIANVS III. pater ipsius ante annos viginti nouem, acquieuit. Atq; de varijs rebus locutus cum Regina, dixit se velle surgere. Secessit itaq; illa & alij omnes, præter Cubicularium nobilem, & paucos aliquot ministros, à quibus cum leuaretur è lecto, in leipothymiam recidit. Quo cognito confestim accurrunt Regina, Cancellarius, præses arcis, nobiles ministri, Medicus & Pastor, à quo, recitatis verbis illis: In manus tuas depono animam meam: redemisti me IEHOVA DEVS verax: & inchoante orationem Domini.

H 3

cam

Moritur optimus Rex,
Fridericus II.
sesquiquinta
hora pomeri-
diana.

Mors pio-
rum Augusti
ni verbis de-
scripta.

Plato quan-
do Reip. im-
pendet muta-
tio, Deus bo-
nos viros ex
ca euocat,

Esaia: 55.

Ierem: la-
mentis 3.

cam, FRIDERICVS II. confecto vitæ mortalis
curriculo, placidè, quemadmodum sæpe optarat, absq[ue]
omni cruciatu, aliquot ductis suspirijs, obdormiuit in
Domino, cum vixisset annas 53. Mens: 9. dies 4.
Anno verò Regni 29.

Hanc beatam piæ animulæ migrationem de la-
bore ad refrigerium, de expectatione ad præmium,
de agone ad brauium, de morte ad vitam, de fide ad
notitiam, de peregrinatione ad patriam, gratulemur.
Et cum mortem Magnorum Regum & salutarium
Principum tristes confusiones & fatales pænæ, vt
exemplis Iosua, Ezechia, Iosia, Constantini Ma-
gni & aliorum declarari posset & experientia testis
est, plerumq[ue] in Regnis & imperijs comitari solcant:
nostrum fuerit in id seriò incumbere, vt, placata
ira DEI, mala, quæ nobis ipse, vt videmus, mina-
tur, effugiamus. Quod quam ratione fiat docent
nos Prophetæ interpretes voluntatis DEI. Sic
enim concionatur Esaia: Requirit IEHOVAM
dum præstò est: inuocate eum cum est propinquus.
Derelinquat impius viam suam, & iniquus cogita-
tiones suas, reuertaturq[ue] ad IEHOVAM, vt mi-
sereatur ipsius, & ad DEVM nostrum, quia pluri-
mum condonat. Et alius inquit: Perscrutemur
vias nostras & peruestigemus, atq[ue] reuertamur vsq[ue]
ad IEHOVAM. Attollamus animum nostrum
cum

cum manibus ad DEVM fortem in cœlis, dicentes :
Nos defecimus & rebellauimus. Agnoscamus itaq̃
peccata nostra, serioq̃ ea detestemur : confugiamus
ad DEVM vera fide atq̃ resipiscentia, viuamusq̃
vitam ipsi gratam : ita fiet, vt vel tollantur vel mi-
tigentur pœnæ, quas ingentibus & atrocibus peccatis
atq̃ sceleribus nostris, quibus DEI vindicis ius-
tissima ira in nos prouocatur, commeriti sumus.

Atq̃ hucusq̃ de historia vitæ & mortis,
(quantum quidem sinit huius temporis angustia,) Virtutes Fri-
derici Regis,
laudatissimi Regis FRIDERICI II. cuius fuerunt
excellentes virtutes, constans in DEVM pietas,
animi celsitudo eximia, iusticiæ non fucatae amor
pia prudentia, heroica beneficentia, clementia,
continentia, paterna de Ecclesiæ & veræ Reli-
gionis conseruatione sollicitudo & cura, philostor-
gia, moderatio in secundis & aduersis rebus, hu-
manitas & id genus aliæ : quas virtutes vt sua
dona longè maximis præmijs ornauit DEVS
felici cursu gubernationis, secundo coniugio, so-
bole numerosa vereq̃ Regia, bona & diutur-
na valetudine, authoritate longè maxima, soci-
orum constante amicitia, subiectorum vera beneuo-
lentia & exoptatissima ex hac vita in illam quæ verè
vita dicenda est, abitione atq̃ migratione. De qui-
bus quod me, vt potui, dicentem tam benigne
audi-

audieritis, vobis, Illustrissimi Principes, Illustres
& generosi Legati, sapientissimi Regni & Duca-
tum Senatores, aliq̃ omnes, quotquot huic paren-
tationi adestis, gratias ago, quantas animus meus
maximas capere potest, & peto qua par est submissi-
one, vt si quæ mihi in hoc publico luctu, & animi
mei perturbatione incogitantius exciderint, ea ve-
litis benignè accipere atq̃ interpretari. Quod vos
facturos mihi de vobis polliceor.

Prouerb: 8. DEO æterno patri Domini IESV CHRI-
STI, vnici Redemptoris & Seruatoris nostri,
mundi totius Monarchæ summo, per quem Reges
regnant, & dominatores iusta decernunt, guberna-
tionem horum Regnorum, quæ FRIDERICVS II.
vera Religione, pace, legibus, disciplinæ neruis,
opibus, & viris omnium virtutum laude præstanti-
bus constituta optimè reliquit, commendamus:
eundem votis ardentibus precamur, velit deinceps
quoq̃ hæc Regna Ecclesiæ suæ hospitium esse, in quo
doctrinæ cælestis puritas, & pia consensio de cultu
DEI, & veræ pietatis exercitijs retineatur: Sere-
nissimam Reginam D. SOPHIAM in hoc acerbis-
simo luctu & mœrore consoletur: Illustrissimum
Principem D. CHRISTIANVM III. Regem
electum, ductu Spiritus sancti gubernet, atq̃ Illu-
strissimam domum & familiam Regiam ad hono-
rem

rem & gloriam sanctissimi nominis sui diu florentem
 conseruet: sit ipse igneus murus, quo arceantur *Zach: 5.*
 mala illa omnia, quæ Diabolus humani generis ho-
 stis infestissimus, & satellites eius, Ecclesiæ, Po-
 liticæ & æconomice intentant & machinantur astu-
 tissimè: faciatq; nos organa gratiæ & misericordiæ
 suæ, à quibus ipse rectè agnoscatur, inuocetur &
 celebretur. Hoc votum nostrum exaudiat **DEVS**
 iustus, verax, beneficus, liberrimus, omnipotens &
 misericors, propter filium suum **IESVM CHRIS-
 TVM**, qui sedens ad dextram æterni patris Pon-
 tifex noster atq; Rex summus, decerpit sibi ex ali-
 qua parte humani generis Ecclesiam æternam voce
 doctrine cælestis, & Spiritus sancti virtute, cui
 cum patre æterno & coæterno filio sit honor, laus,
 gloria, maiestas & benedictio in om-

nem æternitatem,
AMEN.



Augustinus de virtutibus

Christiani Magistratus lib. de Ciui:

D. 5. Cap. 24.

Elices eos Imperatores dicimus, si iuste imperant, si inter linguas sublimiter honorantium, & obsequia nimis humiliter salutantium non extolluntur, sed se homines esse meminerunt: si suam potestatem ad DEI cultum maximè dilatandum, maiestati eius famulam faciunt: Si DEVM timent, diligunt, colunt: Si plus amant illud Regnum, ubi non timent habere consortes: Si tardius vindicant, facile ignoscunt: Si eandem vindictam pro necessitate regenda tuendaq. Reipub. non pro saturandis inimicitiarum odijs exerunt: Si eandem veniam non ad impunitatem iniquitatis, sed ad spem correctionis indulgent: Si quod asperè coguntur plerunq. discernere, misericordia lenitate & beneficiorum largitate compensant: Si luxuria tantò eis est castigatior quantò posset esse liberior: Si malunt cupiditatibus prauis, quam quibuslibet gentibus imperare. Et si hac omnia faciunt, non propter ardorem inanis gloriæ, sed propter charitatem felicitatis æternæ: Si pro suis peccatis, humilitatis, & miserationis, & orationis sacrificium DEO suo vero immolare non negligunt. Tales Christianos Imperatores dicimus esse felices: interim spe, postea re ipsa futuros, cum id quod expectamus aduenierit.



EPICEDIA,
EPITAPHIA, THRENI,
& VOTA, AB ALIQVOT BONIS &
DOCTIS VIRIS, QVORVM GRATIS ANI-
MIS MEMORIA BENEFICIORVM ET MERITORVM
eiusdem FRIDERICI Regis in Ecclesiam, in Rem-
pub. in exteros, in suos, atq; adeo in vniuersos scho-
lastici ordinis homines, infixæ est, obseruantia,
& gratitudinis erga Regem optimum
testificandæ causa scri-
pta.





EPICEDIVM
MERITIS ET MEMORIÆ SERE-
NISSIMI REGIS D. FRIDERICI
II. & C. A NICOLAO THEOPHILO
DICATVM ET CONSECRA-
TVM.



*I Cælum patria est, vt est, eorum
Quos mundo pietas amorq; recti,
Et firma in dominum fides tonantem.
Et virtutis honos & ardor æqui,
Et mens candida fraudis omnis expers,
Et pacis studium vigil togatæ,
Et commendat honesta fama morum,
Verè sideream petiuit aulam
Et sedes adiit beatiorum,
Danorum FRIDERICVS hic secundus,
Qui Regum fuit haud Secundus vlli
Fide, iustitia, benignitate,
Et rebus quoq; fortiter patratis
Belli tempore pacis & quietæ:
Qui veræ pietatis atq; honesti
Exemplar fuit omnibus colendum
Regis filius optimi parentis,
Qui felix tenuit paterna sceptræ,
Sub quo Dania floruit beata
Per multas, pietatis aula, menses,*

Et pacis domus artiumq; sedes,
Solæ quæ faciunt beatiores
Mortales & humo leuant ad astra.
Ergò flere tuum patrem, maritum,
Et Regem lacrymis sequi profusis
Proles Regia, Regis atq; coniux,
Et regni procures, sacer Senatus,
Et plebs, desine: quem locauit ipse
Et vitæ & necis arbiter supremo,
Qui stellis micat aureis, Olympo,
Reges inter ubi sedet verendos,
Iosiam Ezechiamq; Iosaphatq;
Maioresq; suos, auum, patremq;
Et præsens oculis videt tonantem
Autorem pelagi soli poliq;
Et Regem dominantium tremendum.
Illustres animæ polo receptæ
Gaudete ætheris incolæ beatj :
Vos ô vera manent perennis aulæ
Et quæ gaudia nulla secla tollent.
Nos curæ interea premunt dolorq;
Et vexant mala morte tristiora
Bellum, dira fames, & ægra pestis.
Sed tu quem metuunt siticulosa
Styx & perpetua cauerna noctis
Et Mors tristis Erynnyesq; diræ

Qui

Qui vitæ dator vnus es beatæ,
Impendentia diluas pericla,
Et præsentia lenias, rogamus.
Nunc longum FRIDERICE salue aueq̃:
Verè parta tibi est beata sedes,
Et cœlum patria est, aue valeq̃.

EPITAPHIUM EIVSDEM
eodem Authore.

Hoc tumulo placida sublatuſ morte quieſcit
Qui tenuit boreæ Rex duo Regna plagæ:
Quem fortis ſtupuit Cimber, quem Danica pubes,
Et coluit ſtudijs Norica terra ſuis:
Quem metuit magnuſ qui circuit omnia Nereuſ,
Dum natat in medijs irrequietuſ aquis:
Quem tremuit tumido cum Trauo corniger Albiſ,
Et qui vicinoſ Eidora lambit agroſ:
Qui domuit dextra bellaceſ vindice Marſoſ,
Subdidit & ſceptriſ effera corda ſuiſ:
Qui docto rigiduſ moderatuſ Apolline Martem
Præbuit Aonijs hōſpita tecta Deis:
Qui Chriſtum & Chriſti complexuſ amore miniſtroſ,
Templa Scholaſq̃ ſua inuit amicuſ ope.
Qui iuſtuſ cunctoruſ nullo diſcrimine dixit
Quiq̃ fuit paciſ, bella peroruſ, amant:
Mentē cœlo capitur, volat inculpata per orbem
Fama per Eoaſ occiduāſq̃ plagāſ.

Alind

ALIVD.

INuida dum tristi te mergunt fata sepulchro,
 Occulit & terræ te Libitina sinu:
 Inclyta semidèum FRIDERICE propago parentum,
 Danica qui iusta sceptrâ tulere manu:
 Adstant ad tumulum Mars, Mors & candida virgo,
 Quæ docet ad cæli culmina qua sit iter.
 Mars, meus est, inquit: Mors, falleris, est meus, inquit:
 Saucius en telis concidit ille meis.
 His Pietas contra: quid vos contenditis, inquit,
 Non vester, meus est, cedit, Rex meus est:
 Hunc ego cum superis mensæ dignabor honore:
 Dixit: & æthereas inuolat umbra plagas.
 Felix qui terris cælum sublime relictis
 Sic petit & moritur, talibus exequijs:

ALIVD.

QVi populos, septem, vicinaq, Regna trionj
 Protexit & per annos rexit ter decem:
 Danorum decus & FRIDERICVS gloria Regum
 *ΕΥΕΓΓΕΤΗΣ ΒΡΟΤΟΪΣ ΚΑΙ ΜΕΓΑΣ ΦΙΛΟΣ
 Hic iacet: at pietas & virtus cætera dicent,
 Et his tacentibus loquentur posteri.

Alind.

ETEOSTICHON.

PVbLlCa trlſtltla eſt: ò LVge DanlCa pVbes:
FLos terræ PrlnCeps ReX FreDerlCVs oblſt.

ALIVD.

ReX oblſt pLaClDè qVI DanlCa ſCeptra foVebat:
LVgeat orba ſVls patria CLara bonls.

ALIVD CONTINENS ANNVM

Menſem & diem obitus.

AprlLls qVarto ſoL trlſtls In æthere LVget
CVr? CaDlt arCtoo ReX FrlDerlCVs agro:

Epitaph:

QVI veteres rexit fortiffima peſtora Cimbros,
Et leges Danis iuraq. ſancta dedit:
Vltima quem ſummum Thyle eſt venerata Monarcham,
Et Regem agnouit Noridos ora ſuum:
Qui patrium nocuis defendit ab hoſtibus orbem,
Et bello Marſos contudit acre genus:
Qui virtutis amans & ſervantiſſimus æqui
In ſancta coluit ſimplicitate Deum:
Qui pacis cuſtos fuit, & qui templa ſcholasq.
Fouit inexhauſto munere largus opum:
Hoc ſitus eſt tumulo FRIDERlCVS gloria ſtirpis
Oldenburgiæ, Regibus ortus auis:
Corpus habet tellus, cæleſti ſede triumphat
Spiritus, & nullo gaudia fine capit.

K

Votum

VOTVM PRO CHRISTIANO III.
ELECTO DANIE ET NORVE:
REG: &c.

Dum FRIDERICE cadis morbo Rex fractus acuto
Extinctum luget cum pietate Themis:
Has vitam coluit quia mens tua sancta per omnem,
Iure tuum fundunt ad tumulum lacrymas.

Iustitia & pietas sunt vincla adamantina regni:

Quæ si perrumpas cuncta tyrannis habet.

Impietas superos, homines iniuria ledit,

Utraq; tartareos digna subire lacus.

Qui donas regnis Reges Rex maxime Regum,

Hosq; iubes socios nominis esse tui:

Da crescat natus similis virtute parenti,

In quo Cimbrorum spesq; salusq; sita est:

Impleat ut sancti mensuram nominis, & quem

Voce refert, factis exprimat ipse suis.

Sic cum iustitia pietas tentoria figet

Quà latè hanc terram Nereus ambit aquis:

Et bona cuncta dabit ceu pleno copia cornu

Pace domi felix, Dania, Marte foris.

Hæc ego quæ toto suspiria pectore fundo,

Fac rata sint nutu CHRISTE benigne tuo.



AD.

AD DANIAM.

Dania te rapidi cingant licet vndiq; fluctus,
Terraq; sis spacio clausa nec ampla breuij:
Nec tua ramoso se tollant rura metallo:
Es tamen innumeris cœlitus aucta bonis.

Hospitium veræ tu præbes religioni

Et CHRISTVM tecto non renuente capis:

Artibus & doctis semper tua porta patefcit,

Et domus es Clarijs non inamæna Deis.

Pax ambit muros, niueis concordia pennis

Custodit portas, Marte silente, tuas.

His ornata bonis præluces omnibus oris,

Quas videt Arctoö celsus in orbe polus.

Sis felix multos & salua maneto per annos,

Obruat atq; tuum nulla procella caput:

Vtq; facis, CHRISTVM pura prece cordis honora,

Cedat in illius quod facis omne decus:

Flaua Ceres largis ditabit messibus agros,

Et multo pontus pisce beatus erit:

In medijs lætæ salient Nereides vndis,

Et curuis placidum nauibus æquor erit.

Succedentq; tuo feliciter omnia voto,

Sive petenda salo, siue petenda solo.

NICOL: TH: D. & Profef:

A. H.

K₂

ELE.

ELEGIA DE MORTE FRIDERICI II.
CLEMENTISSIMI NOSTRI REGIS, AD
LUGENTEM DANIAM,

Rursus, eheu, lachrymosa dies tibi Dania venit
Funera lugendi Regis acerba tui:
Regis, iusticiæ qui te moderatus habenis
In placida studuit pace fouere diu:
Te, maestam tanquam viduam, nunc morte reliquit
Ille graui, cessans exhilarare tuos.
Propterea meritò fluidis tibi lumina guttis
Assiduè, luctu cor stimulante, madent.
Annon cuiusvis etiam de funere Regis
Haud vano populum fama dolore quatit?
Nam Rex, ut sapiens caput, in rudis agmine plebis
Dum superest, amplo solus honore nitet:
Solutus est oculus quasi, protectorq; suorum,
Et seruat, pulsus, hos, ut ouile, lupis.
Quippe, inconspicua, velut ex caligine, dextra
Quæ Deus in cunctis gentibus vnus agit,
Illa palàm florente sua Rex visus in ora
Pro populi fermè cuncta salute facit.
Dum leges, rudium ceu doctor, figit honestas
Omnibus ex æquo ciuibus, atq; bono:
Dum transgressores fixæ quoq; legis, in almæ
Fida iusticiæ lance dolere iubet.
Et punit fontes, neq; fæda piacula cuiquam
Impunita sua lentus in vrbe sinit

At

At contra iusto cuius, fidoq̃ suarum
 Custodi legum præmia digna parat :
 Et pronè tales extollit honoribus altis,
 Deq̃ suo, ditat fœnore munificus.
 Totum autem tumido populū defendit ab hoste,
 Siue intus latet hic, siue aliunde venit :
 Calitus & misso reprimat mucrone feroces,
 Ne quem de tenui ledere plebe queant.
 Quiq̃ parant ciues bello oppugnare quietos,
 Hostibus opponit fortiter arma sua :
 Pax ut in attritum redeat mox aurea Regnum
 Et secum afflictis omnia dona ferat.
 Sic Rex, in quavis, moderatus, amabile, gente
 Solius est munus, pulchraq̃ imago Dej,
 Qui miseris optanda, loco, mortalibus, eius
 Commoda suppeditat, damnaq̃ multa leuat.
 Hinc, ubi mors truculenta rapit peccantibus illum
 A populis, an non iure dolere queunt ?
 Præcipuè viuens animum quando ille paternum
 In sibi commissum gessit ubiq̃ gregem ?
 De nostro veluti testari possumus omnes
 Rege, quibus rectè cognitus ille fuit :
 Quòd magis vsq̃ ferè suscepto debita Regno,
 Quam sibi priuatim commoda quæsierit.
 Syncerum hunc animum FRIDERICO tota secundo,
 Dum fuit in viuis, vita stetisse, probat.

K3

Illius

Illius & studium perquam laudabile monstrant
 Omnia, multiplici quæ dedit, acta, modo. /
 Noscere si libet hoc, percurrere singula fas est:
 At caput in primis inspice quæso rei.
 Perpetuam, constat, quanta reperire salutem
 Institerit cura ciuibus ille suis,
 Quàmq̃ laborarit, parcens haud sumptibus ullis,
 Noticia quisquam ne foret absq̃ DEI,
 Neue suas pura sine relligione per oras
 Viueret, & verbi luce careret homo.
 Propterea in nulla pastores vrbe fideles,
 In nullo voluit rure deesse quoq̃:
 Sed cunctis resonare locis documenta salutis,
 Et sancta audiri nomina CHRISTE tua.
 Pluribus hac auxit stipendia mente ministris,
 Et cauit, preco ne foret ullus egens,
 Vtpote, paupertas quemquam ne dura fugaret,
 Cum damno populi, de statione sua.
 Quomodo sublatum sibi talem haud plangere Regem,
 Si cui Relligio sacra probatur, amet?
 Cursum Euangelij qui non modò mente quieta
 Pertulit, & fugit bella mouere DEO,
 Quod plerunq̃, patet Reges fecisse potentes,
 Quos dominus iusta punit ipse manu.
 Sed magis à studio planè hic alienus iniquo
 Promotare vias institit vsq̃ DEI.

Nilq̃

Nilq; prius voluit, latè quam spargier illa,
Quæ potuit, quòd sint, dogmata, scire, pia.
Venturo hinc etiam salua vt persisteret æuo
Religio, cuius vixit amore flagrans,
Et teneræ duxit rationem ætatis habendam,
Artibus institui posset vt illa bonis.
Vnde scholis animo passim pietatis amante
Fundatis vltro largior auxit opes:
Vt simul absq; mora discentes, atq; docentes,
Quisq; sua, adiuti, munera perficerent.
Inprimis illum patronum Academia sensit
Inclyta, quæ muro est Hafnia cincta tuo.
Quando benignus ei Rex, & laudabilis heros
Non modo firmavit iura, statuta, bona,
Sed simul, exiles iam quando, per aspera, factas
Esse professorum, tempora, vidit opes,
Non tulit eximius princeps, at protinus altis
Consensit studijs demere triste malum.
Vltroq; mox, toto Regni astipulante senatu,
Denuo largiri multa paratus erat:
Multaq; largitus, præter data tempore prisco,
Sudoris tandem præmia digna, fuit,
Aëreas sylvas, cumq; omnibus ampla colonis
Arua, & gramineis prata decora toris.
Hæc animo Rex munifico dedit omnia musis,
Iugiter vt Regno salua Lycæa forent.

Hinc

*Hinc auditores quoq, ne sine fruge doceret
 In vacua quisquam dogmata grata schola,
 Commotus mira voluit pietate iuuare,
 Paupertatis eos ne refugaret onus:
 Adiectisq, bonis iam pluribus, vt studiosi
 Fortunæ tenuis perfruerentur ijs,
 Illorum centum, quibus aduersatur egestas,
 (Dum simul, ingenium non sterile esse, liquet)
 Nutrit, & singlis collegia celsa diebus,
 Consortes mensæ, fecit adire, suæ.
 Tantum illi studium, tam seria cura iuuandi
 Semper erat sacrum relligionis opus.
 Nec minor eius erat laus in ciuilibus actis
 (Quæ proprium Regum munus habenda putes)
 Certè ne repetam, quosuis vt largus egenos
 Hospitijs pariter iunxit, & ære dato,
 Semper ei, quosuis Regni persistere saluos,
 Et florere status, regia cura fuit.
 Vtq, ab eo summos meritò percepit honores
 Incluta nobilitas, donaq, prima tulit,
 Sic etiam ciues, tenues simul, atq, opulentos
 Noluit à quoquam tristia damna pati.
 Nec minus abiecti querimonia sæpe colonj
 Mouit eum, misero ferret vt æquus opem.
 Quippe minister erat sanctæ, cultorq, seuerus
 Iusticiæ, nec vis dura placebat ej.*

Vinere

*Viuerē tranquillā cūctos in pace volebat:
Iusticia natæ pacis amator erat.
Pacem illi placuit seruare domiq; forisq;
Dum per vicinos non violata foret.
Hanc facile idcirco Ditmarsia victa recepit,
Et sita vicinis oppida quæq; locis.
Hinc sub eo letam duxisti Dania vitam,
Et licuit grata psallere mente DEVM.
Hinc & vbi dura te nunc, heu, morte reliquit,
Mutatæ sortis vulnera iure doles.
Iure dolent etiam tecum pietatis amantes,
Quoscunq; in placida viuere pace iuuat.
Sed, quoniam immissam nobis à numine sortem
Nunc mutare suo nemo dolore potest,
Lumina consilio meliore leuemus in altum
Ad Regem Regum, qui sine morte manet:
Qui Reges donat populis, & qui, sine Rege,
Fortior ipse, suis, Rex quoq; adesse potest.
Hunc, age, mutata, places tibi, Dania, vita,
Iam tandem & veræ sis pietatis amans.
Noxius à prauo discedat pectore fucus:
Luge animi cernens hulcera cæca tui.
Sic Rex æthereus te non modò ab omnibus illis
Proteget, hoc æuo quæ metuenda, malis,
At simul indutam cælesti luce beabit,
Et dabit, æternis vt recreere bonis.*

L

Denig

Deniq' te nullo pauidam discrimine linquet,
Cum Dominum vero corde sequere tuum.
Tunc etiam Regis Gnatum, cui sceptrum parata,
Cum vera faciet crescere laude tibi.
Quod cupido quoq; nos, ut fiat, corde rogamus
Te DEVS, à solo quo bona cuncta fluunt.
Tu tenera illius sancto rege pectora flatu,
Crescat ut in patria gaudia vera sua.

FINIS.

M. Iohannes Salscerides, Profess:
Academiae Haf: facie-
bat.



AD TVMVLVM SERENISSIMI

REGIS DANIAE &c. FRIDERI

CI II.



Occidit heu Patriæ, nobis Pater. Occidit ingens
Flos veterum, Lumen, Gemmaq. rara Ducum.
Occidit abreptus Rex festinantibus Orbi
FRIDERICVS fatis. occidit ante diem.

Heu pietas, heu sancta fides. Sic magne iacebis
O Rex, ô meritis vsq. canende tuis?
Sicne iaces ô Rex: nec in hæc vel tempora restas?

Amplius vt posses nunc stabilire Domum?
At tu dignus eras Rex illustrissime vita:
Dignus ab hinc sera qui morerere die.

Posceret id virtus, diuina in pectore flamma:
Sincerus poscat vel pietatis amor.

Id bonitas, id vera fides, id conscia recti
Mens, animus celsus, factaq. clara petant.
Ista alij illustrent, & pleno carmine tollant:
Me pietas Elegos pressa dolore docet.

Marte Togaq. potens tu Rex, & strenuus Heros
Pellere vim ferro, Pace fouere viros.

Dicier at Princeps & pacis Cultor amica
Malueras, Pacis nomen & omen habens.

Marte igitur pulso, quòd bellis maxima scires
Damna subesse feris, pacis amator eras.

Tu pacti seruans, & seruantissimus æqui:
Nec te aliam quisquam vidit inire viam.

Tu Musas dulces Nutritor charus amabas,
Eximium Regnis has decus esse putans.
Doctorum, benè largus opum, tu tempora Lauro
Cingebas, vario munere sæpè beans.
Sic colere ingenuas artes, & debita honori
Præmia Thespiadum reddere, cura fuit.
Per loca multa Scholæ, multi id testantur alumni:
Testatur quisquis nomen ab arte tulit.

Tu commenta vagæ detestans Relligionis,
Constantis fidei tutor & auctor eras.
Nullus te abduxit, nec recto tramite mouit:
Tentatæ hîc variæ nil potuere vices.
Iussero, ais, nostris pia sit Concordia Mystis,
Qui instillant genti dogmata sacra meæ:
Sitq; procul mater miseræ Discordia cladis.
Quid Regnis veniat nunc Eris acta meis?

Tu velut Augustus turbis & Marte fugato,
Ipse suos pacis pace beavit amans:
Tristia sic arces quæ passim bella mouentur,
Tristia Doctorum bella referta minis.
Vsq; vetas faciant castæ conuicia Musæ.
Musas discordes non sinis esse tuas.

Noxia

Noxia scripta vetas: Doctorem iurgia non fers:
Dentatas prohibes cautior usq; schedas.

Nil tibi cum libris, qui non fœlicibus omnes
Auspicijs volitant. Nil iuuat esse novos.

Hinc tua mota fuit nullis Ecclesia turbis.
Consilio hoc semper tuta quiete fuit.

Hinc pace exultat, prædulciaq; oia captat
Phœbus, & hinc Phœbi libera turba salit.

Ad summam, fulges virtutibus inclyte Princeps,
Hesperus vt stellas eminet ante alias.

Facta piæ fidei verum testantur amorem:
Pro Grege susceptum facta loquuntur onus.

Terris Lumen eras, Regnis tutamen, in ipsum
Translatus cælum nunc quoq; Lumen eris.

Te superesse diu, seramq; videre dedissent
Fata vtinam lucem, fata dolenda nimis:

Quàm fortunatos vidisset Dania ciues,
Quondam piscosâ Dania cincta mari.

Ast aliter Domino visum est: aliter quia factis
Iam nimium multi commeruere suis.

Ergo iaces ô Rex quem non virtutis egentem
Vidimus? Ah Regem mors properata tulit.

Hei mihi tu Columen, tu quantum perdis Asylum,
Dum Regem perdis Dania clara pium.

*Sic commissa luis populi peccantis. Ad iram
Concitus, his pœnis vindicat acta DEVS.
Nam malefacta manu compensat vindice iustus.
Fato ni credas experiere tuo.
Luge igitur multum rapto super ornamento:
Amissum luge Dania præsidium.
Dania te lachrymis Arctoag, terra fatiga:
Dissita post reliquos vltima Thule geme.
Dania te gemitu, funebri & pollue luctu:
Conquerere extinctum Dania mæsta Patrem.
Funereum medias questum geminato per vrbes:
Carmen & in quauis fundito triste domo.
Iungito funesta viduatas veste Cateruas:
Pro nitido cultu pulla lacerna tegat.
Multa metu planctusq, labent. Est causa dolendi
Tristior hîc tanto, quanto inopina magis.*

*Vos etiam Musæ vos planctum explete sorores:
Edite lugubres Numina mæsta sonos.
Officio Cineres merito decorate supremos:
Ornate ô votis Regia busta pijs.*

Dicite

Dicite: FRIDERICI nulla terrestribus vllis
 Re concedentis, molliter ossa cubent.
 FRIDERICI viuat pietas, & munera largæ
 Grata manus, & amor pacis, amor populi.
 FRIDERICI virtus perduret inobruta virtus.
 FRIDERICVS regnis ceu pater vsq; suis.
 Non vt rupta breuis citò sunt rata stamina vitæ,
 Famæ sic abeant nomina clara piæ.
 Fama perennis eat FRIDRICI & gloria. Grati
 FRIDERICVM factis, carmine, voce colant.

PRECES VOTIVÆ.

*At tu summe Pater rerum cui summa potestas
 In mea postremum vota benignus ades.
 In te certa salus, in te inclinata recumbit
 Vnica spes, cætus tu miserere tui.*

*Da Pater arceri Regnis & bella cruenta,
 Et quæ bellorum semina certa forent.
 Da crescat Proles FRIDRICI, Regia proles,
 Crescat quem magnum mittis in imperium.
 Regie cresce puer, mæstæ pia cura Parentis,
 Et Procerum & Populi sollicitudo tui.
 Maeste animo Princeps, animi te viuida virtus
 Intus agens factis luceat ipsa suis.
 Maeste animo Princeps, gratum Patris incrementum,
 Cresce fauore DEI, cresce fauore hominum.*

Crescas

Crescas Flos Christi, sancta cresce indole Christi:

Vtq; refers Christum nomine Mente refer.

Regie cresce puer, magni custodia regni

Blandis cui cessit maxima ab auspicijs,

Hæc Deus ô seros maneat spes certa nepotes:

Et tuus in populum cuncta secundet amor.

M. Petrus Haggæus. Profess:

A. H.



MEMORIA ET ME-
RITIS.
SERENISSIMI ET OPTIMI PRIN-
CIPIS DIVI FRIDERICI II. DANO-
RUM REGIS CANTATA.

Ergò fatiscientem tota compagine mundum
Nos solos petere, atq; immani mole ruinas
In nostrum torquere caput rear? ergò malorum
Turbine, quīs simul & tellus & pontus & æther
Æstuat, ante diem miseri inuoluemur? an illas
Dij rerum facies tam diras forte, facesq;
Insolitas ideò mortalibus ostentarunt?

Certè ego jam septem, quos est penes abdita rerum
Fata mouere, Deos, cæli qui nuper in vnam
Conuenere domum, magnæ primordia cladis
Hæc statuisse puto: quando tibi Dania Regem
Præripuere tuum, quo non præstantior alter
Purpureos inter toto fuit orbe monarchas:
Tam crebris atq; infaustis nos vsq; fatigant
Prodigijs, præbentq; nouis ostenta figuris.

Nam quid ego memorem sacras, Iouis ignibus, ades
Hic vbi Danorum solio nitet Hafnia Regum,
Cælitus, idq; ipso brumæ sub frigore, tactas?
Quid memorem totis conspectos noctibus ignes,
Flammarumq; globos cælo cecidisse sereno,
Et flammis falsò visas inuoluier vrbes?

M

Vidi.

Vidimus instructas volitare per æthera turmas,
Collisifq; sonum liquidò percepimus armis.

Et Phœbum nitidos fœdatum sanguine vultus
Vidimus, atq; atro tinctam liuore Dianam.

Nuper & insolitis Heclam flagrasse caminis,
Et totas liquidum jactasse per aëra rupes,
Horrendumq; imo, fama est, mugisse barathro.
Tum maria insueto tumuerunt gurgite, & imis
Stagna refusa vadis, positas transcendere metas
Ansa fuere, nefas, nullis tamen excita ventis.

Scilicet & maria & terræ cælumq; profundum
Commiserata tuam, pulcherrima Dania, sortem
Ingemuere, hujus funestæ præscia lucis,
Qua tuus ille pater cecidit, tua vita, tuumq;
Delicium, decus & columen, tua gloria, quo nil
Rebus in humanis melius nil majus habebas.

Heu funesta dies, quam denso feta malorum
Agmine, quam miseros subito super ingruit, & quam
Non expectata descendit ab æthere sorte.

Siccine jam partæ custos fidissime pacis,
Pacis quæ tibi tam fausto dedit omine nomen,
Occidis? aduersis caput insuperabile, tène
Febris anhelæ suo potuit superare veneno?
Nonne Seuerinus medica clarissimus arte,
Qui videt alma suo quidquid Natura recessu
Occulit, Ille renascentis spes altera lucis,
Nonne salutares dextræ tibi miscuit herbas?

Bal.

Balsamâq. Ambrosiamq. & odoriferam Panaceam?

Miscuit ille quidem sed nulla, sedulus, arte,
Nulla ope collapsam potuit reparare salutem.

Non etiam Regina, pios Alcestidis ignes
Experta immites potuit lenire sorores,
Quamuis sæpe sua optarit te morte redemptum.
Non tua siue pio remorari funera planctu,
Siue tui desiderio potuere clientes.

Sed neq. conceptis, quæ te pia patria, votis
Incolumem sibi, sæpe Deum obtestata, poposcit
Fatorum potuit duras infringere leges.

Heu miseros: heu me miserum: Nil compita luctu,
Nil totas implere istis vlulatibus vrbes,
Nil iuuat. O vtinam Admeti te fata manerent,
Dispeream miserè, si non extrema subire
Pro te fata velim: quid enim respublica damni
Me caperet pereunte? equidem reor omnia eodem
Permansura statu: paucis lugendus amicis,
Et posito strepitu, tenui mandarer arenæ.
Sed parca immites & inexorabile fatum
Non vnum prostrauit humi, non mille, sed vrbes
Totas atq. adeo duo florentissima Regna.
Subjecit pedibus, quando hoc de Rege triumphat.
Occidimus simul ab miseri, quando illa salutis
Spes cecidit, nobis etiam perijsse fatendum
Plasquàm dimidium nostri: cor ille caputq.
Augustum fuit Arctœæ dum viueret oræ.

Non

Non rex ille quidem sed, mirum, regibus ipsis
Numinis instar erat, Tam Majestate verendus
Tam virtute illustris erat, tam robore mentis
Inuictus, tam consilio sapiente bonoque
Promptus, & aureolæ tam præstans munere linguae,
Ut meritò lapsum fateamur sidus Olympo
In nostras venisse oras, quod numine pectus
Cælesti penitus diuine expleuerit aura.

Sed frustra FRIDERICE tuas, ter maxime laudes
Prosequor inuita, & contrà luctante Minerva.
Nam quid ego, cui nulla fuit nisi turbida riuo
Vena perexiguo, stagnantibus excita lymphis,
Ut vix Oceanum Sophiæ ingrediatur, at ipso
Deficit in cursu tellure absorpta, Quid inquam
Nomen ego, laudesque tuas, rex magne, minutis
Ignibus illustrare velim? cum fama per orbem
Iam tua, jamque adeo dudum volet inclyta magnum.
Non si carminibus diuinum æquare Maronem
Quis posset, FRIDERICE tuis par laudibus esset
Dicendis: Sat erit nobis, si manibus istam
Diue tuis urnam lachrymarum ritè sacremus.

At verò te magne Heros, o debite cælis
Indiges, exemptum terris quis fleret? at isto
Tempore te regnis quis non defleret ademptum?
Quin te certa manet requies, sanctissime, campis
Elysjs, ibi namque Deos & amæna piorum

Conci.

Concilia æternũ colis, & te nescia fati
Vita habet Ambrosio semper saturanda liquore.
Sed nos intereã lethea vescimur aura,
Atq; ipsam totis impressam sensibus ægri
Circumgestamus mortem: Nil tædia præter
Nil præter duros hæc mortua vita labores
Suppeditat: furie immanes, & dira libido,
Et nox alta tenent jam terras sceptrâ per omnes.
Hinc ea colluies, atq; horum Læna malorum
Quis miseri miserè torquemur, semina traxit.
Tu tamen hisce malis, ò Rex inuictè fuisses
Auerruncator, sortem si fata beatam
Non inuidissent nostris sæuissima terris.

Iam sibi relligio, jamq; & pax aureã, & ipsa
Pierides metuunt, & pulla veste dolorom
Testantur, sacræq; assistunt jugiter urnæ,
Seq; inter tenui ingeminant has murmure voces,
Ioua DEVS, quid te miseras pater optime tantis
Et tam continuis iuuat exercere periclis?
Ergo Lycaoniam extorres migrare sub arcton
Insisti pater, vt subitò nos sedibus istis
Exigeres? quid enim salui sperabimus otî,
Vel pacis, sanctum quando hoc caput occidit? & quæ
Deseßis dabitur requies? quæ meta laborum?
Talibus illæ equidem lægent sua damna querelis,
Bustaq; perpetuo lachrymarum flumine tingunt.

M 3

Quis

Quis dabit hisce etiam lachrymarum flumen ocellis?
Quis dabit ut te Dine fleam FRIDERICE? quis inquam
Mi dabit ut possim lachrymis explere dolorem?
Totus ut in lachrymas soluar, vel deniq; totus
Fons fiam, laticesq; mihi det Terra perennes,
Haud mihi, credo, satis faciam tua funera flendo,
Vel potius lamentando mea damna, mæq;
Felicitis quondam patriæ, miserabile fatum.
Saltem cûm meminisse tui FRIDERICE, tuiq;
Dania, & Aönides vestri datur, vsq; subortis
Immorer immoriarq; nouis singultibus æger.
Tu quoq; tu magnis Patria exercenda procellis,
Tolle nouos, tolle ingentes ad sidera planctus,
Fac densas penetrent nubes, atq; æthera magnum,
Donec placatas Iouæ illabantur in aures.

Sed finem lachrymis faciam: Tu Ioua catenam
Soluta, quam nostris connectunt fata periclis:
Soluere nam solus, soloq; adamantina nutu
Vincla potes, mundi q; ratas infringere leges.
An tibi pænarum satis exsoluisse videmur
Sancte Deus, nî Danorum radicitus omnem
Extirpes, etiam deleta nomine, gentem.
Ab tibi si viduata viro vel fœmina curæ est,
Si pupillorum pater asseruisse salutem
Vindicijs dignare tuis, tibi Dania curæ
Ioua fiet, viduata suo iam mæsta marito:

Nos

Nos etiam viduæ mæstissima pignora matris
 Nos adeo totos, & rerum quidquid vbiq; est
 Nostrarum, tibi tutori iam dedimus vñj:
 Tu regem puerum studio tueare paterno,
 Vt tandem virtute sua maturus & annis
 Sceptra manu patrij capiat sibi debita Regnj,
 Tum verò regni procures, sanctumq; Senatum,
 Sancte pater, tua defendat Sapientia, & ipsis
 Inspiret verum veræ pietatis amorem.
 Vnanimis pati studeant, at seditioni
 Et bello bellum indicant, & publica regnj
 Priuatis nolint postponere commoda rebus,
 Te duce sic tandem diuturna pace fruemur.

*Regi laudatissimo & optimo Frid: II. de se optimè merito
 lachrymans fundebat Ionas Iacobus Pastor Haf:
 ad D. Spiritum.*

Errata sic corrigenda.

Pag: 1. versa pro Querite, lege Quærite. Pag: B. 4. versa,
 v: 18. pro quidem legendum profecto. Pag: D. 1. v: 14. vsq;
 addendum, ad. Pag: D. 2. v: 3. pro cuius lege quarum.
 Pag: D. 3. in margine pro coniugia lege coniugium. Pag:
 D. 4. v: 1. quod tamen, addendum, sit. Pag: G. 2. v: 16.
 more, addendum, institutoq; G. 3. v: 2. cum addendum vt.

HAFNIÆ,
 Impressit Laurentius Be-
 nedictus.

Cum Gratia & Priuilegio Serenissi-
 mæ Regiæ Maiesta-
 tis.

